



宮

八史經籍志

隋書經籍志卷二

第二册

加²

98

乙



加
門 98
號 2
卷

隋書經籍志卷一



經籍一經

唐 長孫無忌等撰

夫經籍也者機神之妙旨聖哲之能事所以經天地緯陰陽正紀綱弘道德顯仁足以利物藏用足以獨善學之者將殖焉不學者將落焉大業崇之則成欽明之德匹夫克念則有王公之重其王者之所以樹風聲流顯

號美教化移風俗何莫由乎斯道故曰其爲人也溫柔敦厚詩教也疏通知遠書教也廣博易良樂教也絜靜精微易教也恭儉莊敬禮教也屬辭比事春秋教也遭時制宜質文迭用應之以通變通變之以中庸中庸則可久通變則可大其教有適其用無窮實仁義之陶鈞誠道德之橐籥也其爲用大矣隨時之義深矣言無得而稱焉故曰不疾而速不行而至今之所以知古後之所以知今其斯之謂也是以大道方行俯龜象而設卦後聖有作仰鳥跡以成文書契已傳繩木棄而不用史官旣立經籍於是興焉夫經籍也者先聖據龍圖握鳳

紀南面以君天下者咸有史官以紀言行言則左史書之動則右史書之故曰君舉必書懲勸斯在考之前載則三墳五典八索九丘之類是也下逮殷周史官尤備紀言書事靡有闕遺則周禮所稱太史掌建邦之六典八灋八則以詔王治小史掌邦國之志定世繫辨昭穆內史掌王之八柄策命而貳之外史掌王之外令及四方之志三皇五帝之書御史掌邦國都鄙萬民之治令以贊冢宰此則天子之史凡有五焉諸侯亦各有國史分掌其職則春秋傳晉趙穿弑靈公太史董狐書曰趙盾殺其君以示於朝宣子曰不然對曰子爲正卿亡不

越境反不討賊非子而誰齊崔杼弑莊公太史書曰崔杼弑其君崔子殺之其弟嗣書死者二人其弟又書乃舍之南史聞太史盡死執簡以往聞既書矣乃還楚靈王與右尹子革語右史倚相趨而過王曰此良史也能讀三墳五典八索九丘然則諸侯史官亦非一人而已皆以記言書事太史總而裁之以成國家之典不虛美不隱惡故得有所懲勸遺文可觀則左傳稱周志國語有鄭書之類是也暨夫周室道衰紀綱散亂國異政家殊俗褻貶失實墮紊舊章孔丘以大聖之才當傾頽之運歎鳳鳥之不至惜將墜於斯文乃述易道而刪詩書

脩春秋而正雅頌壞禮崩樂咸得其所自慙人萎而微言絕七十子散而大義乖戰國縱橫真偽莫辨諸子之言紛然淆亂聖人之至德喪矣先王之要道亡矣陵夷踳駁以至於秦秦政奮豺狼之心剗先代之迹焚詩書坑儒士以刀筆吏爲師制挾書之令學者逃難竄伏山林或失本經口以傳說漢氏誅除秦項未及下車先命叔孫通草繇絕之儀救擊柱之弊其後張蒼治律曆陸賈撰新語曹參薦蓋公言黃老惠帝除挾書之律儒者始以其業行於民間猶以去聖既遠經籍散逸簡札錯亂傳說紕繆遂使書分爲二詩分爲三論語有齊魯之

殊春秋有數家之傳其餘互有踳駁不可勝言此其所
以博而寡要勞而少功者也武帝置太史公命天下計
書先上太史副上丞相開獻書之路置寫書之官外有
太常太史博士之藏內有延閣廣內秘室之府司馬談
父子世居太史採前代斷自軒皇逮于孝武作史記
一百三十篇詳其體制蓋史官之舊也至于孝成祕藏
之書頗有亡散乃使謁者陳農求遺書於天下命光祿
大夫劉向校經傳諸子詩賦步兵校尉任宏校兵書太
史令尹咸校數術太醫監李柱國校方技每一書就向
輒撰爲一錄論其指歸辨其訛謬敘而奏之向卒後哀

帝使其子歆嗣父之業乃徙溫室中書於天祿閣上歆
遂總括羣篇撮其指要著爲七略一曰集略二曰六藝
略三曰諸子略四曰詩賦略五曰兵書略六曰術數略
七曰方技略大凡三萬三千九十卷王莽之末又被焚
燒光武中興篤好文雅明章繼軌尤重經術四方鴻生
鉅儒負袞自遠而至者不可勝筭石室蘭臺彌以充積
又於東觀及仁壽閣集新書校書郎班固傳毅等典掌
焉並依七略而爲書部固又編之以爲漢書藝文志董
卓之亂獻帝西遷圖書縑帛軍人皆取爲帷囊所收而
西猶七十餘載兩京大亂掃地皆盡魏氏代漢采掇遺

亡藏在秘書中外三閣魏秘書郎鄭默始制中經祕書
監荀勗又因中經更著新簿分爲四部總括羣書一曰
甲部紀六藝及小學等書二曰乙部有古諸子家近世
子家兵書兵家術數三曰丙部有史記舊事皇覽簿雜
事四曰丁部有詩賦圖讚汲冢書大凡四部合二萬九
千九百四十五卷但錄題及言盛以縹囊書用緗素至
於作者之意無所論辯惠懷之亂京華蕩覆渠閣文籍
靡有孑遺東晉之初漸更鳩聚著作郎李充以勗舊簿
校之其見存者但有三千一十四卷充遂總沒衆篇之
名但以甲乙爲次自爾因循無所變革其後中朝遺書

稍流江左宋元嘉八年秘書監謝靈運造四部目錄大
凡六萬四千五百八十二卷元徽元年祕書丞王儉又
造目錄大凡一萬五千七百四卷儉又別撰七志一曰
經典志紀六藝小學史記雜傳二曰諸子志紀今古諸
子三曰文翰志紀詩賦四曰軍書志紀兵書五曰陰陽
志紀陰陽圖緯六曰術藝志紀方技七曰圖譜志紀地
域及圖書其道佛附見合九條然亦不述作者之意但
於書名之下每立一傳而又作九篇條例編乎首卷之
中文義淺近未爲典則齊永明中祕書丞王亮監謝朓
又造四部書目大凡一萬八千一十卷齊末兵火延燒

祕閣經籍遺散梁初祕書監任昉躬加部集又於文德殿內列藏眾書華林園中總集釋典大凡二萬三千一百六卷而釋氏不豫焉梁有祕書監任昉殷鈞四部目錄又文德殿目錄其術數之書更爲一部使奉朝請祖暉撰其名故梁有五部目錄普通中有處士阮孝緒沉靜寡慾篤好墳史博采宋齊已來王公之家凡有書記參校官簿更爲七錄一曰經典錄紀六藝二曰記傳錄紀史傳三曰子兵錄紀子書兵書四曰文集錄紀詩賦五曰技術錄紀數術六曰佛錄七曰道錄其分部題目頗有次序剖析辭義淺薄不經梁武敦悅詩書下化其

上四境之內家有文史元帝克平侯景收文德之書及公私經籍歸于江陵大凡七萬餘卷周師入郢咸自焚之陳天嘉中又更鳩集考其篇目遺闕尚多其中原則戰爭相尋干戈是務文教之盛符姚而已宋武入關收其圖籍府藏所有纔四千卷赤軸青紙文字古拙後魏始都燕代南略中原粗收經史未能全具孝文徙都洛邑借書於齊祕府之中稍以充實暨於爾朱之亂散落人間後齊遷鄴頗更搜聚迄於天統武平校寫不輟後周始基關右外逼彊隣戎馬生郊日不暇給保定之始書止八千後稍加增方盈萬卷周武平齊先封書府所

加舊本纔至五千隋開皇三年祕書監牛弘表請分遣使人搜訪異本每書一卷賞絹一匹校寫既定本卽歸主於是民間異書往往間出及平陳已後經籍漸備檢其所得多太建時書紙墨不精書亦拙惡於是總集編次存爲古本召天下工書之士京兆韋霈南陽杜頽等於祕書內補續殘缺爲正副二本藏于宮中其餘以實祕書內外之閣凡三萬餘卷煬帝卽位祕閣之書限寫五十副本分爲三品上品紅瑠璃軸中品紺瑠璃軸下品漆軸於東都觀文殿東西廂構屋以貯之東屋藏甲乙西屋藏丙丁又聚魏已來古跡名畫於殿後起二臺

東曰妙楷臺藏古跡西曰寶臺藏古畫又於內道場集道佛經別撰目錄大唐武德五年克平僞鄭盡收其圖書及古跡焉命司農少卿宋遵貴載之以船沂河西上將致京師行經底柱多被漂沒其所存者十不一二其目錄亦爲所漸濡時有殘缺今考見存分爲四部合條爲一萬四千四百六十六部有八萬九千六百六十六卷其舊錄所取文義淺俗無益教理者並刪去之其舊錄所遺辭義可采有所弘益者咸附入之遠覽馬史班書近觀王阮志錄挹其風流體制削其浮雜鄙俚離其疏遠合其近密約文緒義凡五十五篇各列本條之下

以備經籍志雖未能研幾探賾窮極幽隱庶乎弘道設教可以無遺闕焉夫仁義禮智所以治國也方技數術所以治身也諸子為經籍之鼓吹文章乃政化之黼黻皆為治之具也故列之於此志云○歸藏十三卷晉太尉參

軍薛貞註周易二卷魏文侯師卜子夏傳殘缺梁六卷周易十卷漢魏郡太守京房章

句周易八卷漢曲臺長孟喜章句殘缺梁十卷又周易

九卷後漢太司農鄭玄注梁又有漢南郡太守馬融注周易一卷亡周易五卷漢荊州牧劉表

章句梁有漢荆州五業從事宋忠注周易十卷亡周易十一卷漢司空荀爽注周易十

卷魏衛將軍王肅注周易十卷魏尚書郎王弼注六十四卦六

弼又撰易略例一卷梁有魏大司農卿董遇注周易十

卷吳太常姚信注周易四卷晉儒林從事黃穎注周易九卷吳侍

御史虞翻注周易十五卷吳鬱林太守陸績注周易十卷晉散騎常

易三卷晉驃騎將軍王廙注周易八卷晉著作郎張璠注

周易馬鄭二王四家集解十卷○周易荀爽九家注十

卷○周易楊氏集二王注五卷梁有集馬鄭二周易十

卷蜀才注梁有齊安參軍費元珪注周易九周易十卷

後魏司徒崔浩注周易十卷梁處士何胤注梁有臨海令伏曼

集注一百卷又周易集注三十卷亡周易七卷姚規周易十三卷崔觀周

易十三卷傅氏周易一帙十卷盧氏周易繫辭二卷晉

注周易繫辭二卷晉西中郎將謝萬等注周易繫辭二卷晉太常

注 周易繫辭二卷 梁太中大夫宋褰注又有宋東 周易

繫辭二卷 荀柔注 周易集注繫辭二卷 梁有宋大中大夫

七 周易音一卷 東晉太子前 周易音一卷 東晉尚書郎

周易音一卷 范氏 周易并注音七卷 祕書學士 周易盡

神論一卷 魏司空鍾會撰梁有周易 周易象論三卷 尚

書郎樂 周易卦序論一卷 晉司徒右長 周易統略五卷

晉少府卿 周易論二卷 晉馮翊太 周易論一卷 晉荊州

鄒湛撰 梁有擬周易說八卷 范氏撰周易宗塗四卷于寶

伯珍撰周易難王輔嗣義一卷 晉揚州 周易義一卷 宋

令范 周易玄品二卷 ○ 周易論十卷 齊中書郎周顒撰

○ 周易論四卷 范氏 周易統例十卷 崔觀 周易爻義一

卷 千寶 周易乾坤義一卷 齊步兵校尉劉瓛撰梁又有

等 乾坤義 周易大義二十一卷 梁武帝撰 周易幾義一卷 梁

平王撰梁有周易疑通五卷 宋中散大夫 周易大義一

何謹之撰周易四德例一卷 劉瓛撰 周易大義一

卷 梁有周易錯八卷京房撰周易日月變例六卷虞翻

周易爻義一卷 周易大義二卷 陸德 周易釋序義三卷 ○

馬楷撰亡 周易開題義十卷 梁蕃 周易問二十卷 ○ 周易義疏十

九卷 宋明帝集羣臣講易義疏二十卷齊永明國學講周易

講疏二十六卷 沈林撰 周易講疏三十五卷 梁武帝撰 周易講

疏十六卷 梁五經博士 周易義疏十四卷 梁都官尚書

疏十六卷 褚仲都撰 周易義疏十四卷 蕭子政撰

周易繫辭義疏三卷

蕭子政撰

周易講疏三十卷

陳詒議參軍張機撰

周易文句義二十卷

梁有擬周易義疏十三卷

周易義疏十六卷

尚

書左僕射周弘正撰

周易私記二十卷

○周易講疏十三卷

國子祭酒

何安撰

周易繫辭義疏二卷

劉嶽撰

周易繫辭義疏一卷

武梁

帝撰

周易繫辭義疏二卷

蕭子政撰梁有周易乾坤二象周易新圖各

卷文周易普玄

圖八卷薛景和撰周易大演通統一卷顏氏撰

周易譜一卷

右六十九部五百五十一卷

通計亡書合九十四部八百二十九卷

昔宓義氏始畫八卦以通神明之德以類萬物之情蓋因而重之為六十四卦及乎三代實為三易夏曰連山殷曰歸藏周文王作卦辭謂之周易周公又作爻辭孔

子為彖象繫辭文言序卦說卦雜卦而子夏為之傳及秦焚書周易獨以卜筮得存唯失說卦三篇後河內女子得之漢初傳易者有田何何授丁寬寬授田王孫王孫授沛人施雠東海孟喜琅邪梁丘賀由是有施孟梁丘之學又有東郡京房自云受易於梁國焦延壽別為京氏學嘗立後罷後漢施孟梁丘京氏凡四家並立而傳者甚眾漢初又有東萊費直傳易其本皆古字號曰古文易以授琅邪王璜璜授沛人高相相以授子康及蘭陵毋將承故有費氏之學行於人間而未得立後漢陳元鄭眾皆傳費氏之學馬融又為其傳以授鄭玄玄

作易注荀爽又作易傳魏代王肅王弼並為之注自是
費氏大興高氏遂衰梁丘施氏高氏亡於西晉孟氏京
氏有書無師梁陳鄭玄王弼二注列於國學齊代唯傳
鄭義至隋王注盛行鄭學浸微今殆絕矣歸藏漢初已
亡案晉中經有之唯載十筮不似聖人之旨以本卦尚
存故取貫於周易之首以備殷易之缺

古文尚書十三卷漢臨淮太守孔安國傳今字尚書十四卷孔安國傳

尚書十一卷馬融注尚書九卷鄭玄注尚書十一卷王肅注尚

書十五卷晉祠部郎謝沘撰集解尚書十一卷李顥注集釋尚書

十一卷宋給事中姜道盛注古文尚書舜典一卷晉豫章太守范甯注梁有尚書

十卷范甯注尚書亡篇序一卷梁五經博士劉叔嗣注梁有

有尚書新集尚書逸篇二卷○古文尚書音一卷徐邈撰梁

有尚書音五卷孔安國撰今文尚書音一卷祕書學士顧彪撰尚

書大傳三卷鄭玄注大傳音二卷顧彪撰尚書洪範五行傳

論十一卷漢光祿大夫劉向注尚書駁議五卷王肅撰梁有尚書

肅及晉五經博士孔晁撰尚書釋問四卷魏侍中王粲

撰尚書王氏傳問二卷尚書義二卷范順問吳太尉劉

毅荅尚書新釋二卷李顥撰尚書百問一卷齊太學博士顧歡撰尚

書大義二十卷梁武帝撰尚書百釋三卷梁國子助教巢倚撰尚書義

三卷巢倚撰尚書義疏十卷梁國子助教費魁撰梁有尚

說撰尚書義疏三十卷蕭詧司徒蔡大寶撰尚書義注三卷呂文優撰

尚書義疏七卷

○尚書述義二十卷

國子助教劉炫撰

尚書疏

二十卷

顧彪撰

尚書閏義一卷

○尚書義三卷

劉先撰

尚書

釋問一卷

虞氏撰

尚書文外義一卷

顧彪撰

右三十二部二百四十七卷

通計亡書合四十一部共二百九十六卷

書之所興蓋與文字俱起孔子觀書周室得虞夏商周四代之典刪其善者上自虞下至周為百篇編而序之遭秦滅學至漢唯濟南伏生口傳二十八篇又河內女子得泰誓一篇獻之伏生作尚書傳四十一篇以授同郡張生張生授千乘歐陽生歐陽生授同郡兒寬寬授歐陽生之子世世傳之至會孫歐陽高謂之尚書歐陽

之學又有夏侯都尉受業於張生以授族子始昌始昌傳族子勝為大夏侯之學勝傳從子建別為小夏侯之學故有歐陽大小夏侯三家並立訖漢東京相傳不絕而歐陽最盛初漢武帝時魯恭王壞孔子舊宅得其未孫惠所藏之書字皆古文孔安國以今文校之得二十五篇其泰誓與河內女子所獻不同又濟南伏生所誦有五篇相合安國並依古文開其篇第以隸古字寫之合成五十八篇其餘篇簡錯亂不可復讀並送之官府安國又為五十八篇作傳會巫蠱事起不得奏上私傳其業於都尉朝朝授膠東庸生謂之尚書古文之學而

未得立後漢扶風杜林傳古文尚書同郡賈逵為之作
訓馬融作傳鄭玄亦為之注然其所傳唯二十九篇又
雜以今文非孔舊本自餘絕無師說晉世祕府所存有
古文尚書經文今無有傳者及永嘉之亂歐陽大小夏
侯尚書並亡濟南伏生之傳唯劉向父子所著五行傳
是其本法而又多乖戾至東晉豫章內史梅賾始得安
國之傳奏之時又闕舜典一篇齊建武中吳姚興方於
大桁市得其書奏上比馬鄭所注多二十八字於是始
列國學梁陳所講有孔鄭二家齊代唯傳鄭義至隋孔
鄭並行而鄭氏甚微自餘所存無復師說又有尚書逸

篇出於齊梁之間考其篇目似孔壁中書之殘缺者故

附尚書之末。○韓詩二十二卷漢常山太傅韓嬰薛氏章句韓詩翼

要十卷漢侯苞傳韓詩外傳十卷梁有韓詩譜二卷詩神泉一卷漢有道徵士趙擘撰

亡毛詩二十卷漢河間太守毛萇傳鄭氏箋毛詩二十

卷王肅注梁有毛詩二十卷鄭玄王肅合注毛詩二十卷謝沈注毛詩二十卷晉兗州別駕江熙注亡集

注毛詩二十四卷梁桂州刺史崔靈恩注梁有毛詩二十四卷梁隱居先生陶弘景注亡毛

詩箋音證十卷後魏太常卿劉芳撰梁有毛詩音十六卷徐邈撰毛詩

音隱一卷于氏撰亡毛詩并注音八卷祕書學士魯世達撰毛詩譜三卷吳

常卿徐整撰毛詩譜二卷太叔求及劉炫注謝氏毛詩譜鈔一卷梁

毛詩雜議難十卷漢侍中賈逵撰亡毛詩義問十卷魏太子文毛詩義駁

八卷王肅撰毛詩奏事一卷王肅撰有毛詩問毛詩駁一

卷魏司空王基撰殘缺梁五卷又有毛詩答問駁譜合

傳是并二卷並魏祕書郎劉璠撰毛詩答雜問七

異同評十卷晉長沙太守孫毓撰難孫氏毛詩評四卷晉徐州從事陳統撰

異三卷晉給事郎楊又撰梁有毛詩背隱義二卷宋中

之撰毛詩釋一卷宋金紫光祿大夫何偃撰毛詩檢漏

十卷並梁處毛詩異義二卷揚又撰梁有毛詩雜義五

謝沉撰毛詩雜義四卷晉江州刺史毛詩集解敘義一

卷顧歡撰毛詩序義二卷宋通直郎雷次宗撰梁有毛詩

詩序義七卷孫暢之撰亡

卷宋交州刺史阮珍之撰毛

詩序義七卷孫暢之撰亡

詩序義疏一卷劉勣等撰殘缺梁三卷梁有毛詩篇次

毛詩發題序義一卷梁武帝撰毛詩大義十一卷梁武帝撰

十五國風義二卷毛詩大義十三卷舒援撰毛詩草木蟲魚疏

二卷烏程令吳郡陸機撰毛詩義疏二十卷舒援撰毛詩誼府三卷

後魏安豐王元延明撰毛詩義疏二十八卷蕭歸散騎常侍沈重撰毛詩義

疏二十卷毛詩義疏二十九卷毛詩義疏十卷

毛詩義疏十一卷毛詩義疏二十八卷毛詩述義

四十卷國子助教劉炫撰毛詩章句義疏四十卷魯世達撰毛詩釋

疑一卷梁有毛詩圖三卷毛詩孔子經圖業詩二十卷

宋奉朝請
葉遵注

右三十九部四百四十二卷

通計亡書合七十六部六百八十三卷

詩者所以導達心靈歌詠情志者也故曰在心為志發言為詩上古人淳俗樸情志未惑其後君尊於上臣卑於下面稱為諂目諫為謗故誦美譏惡以諷刺之初但歌詠而已後之君子因被管絃以存勸戒夏殷已上詩多不存周氏始自后稷而公劉克篤前烈太王肇基王迹文王光昭前緒武王克平殷亂成王周公化至太平誦美盛德踵武相繼幽厲板蕩怨刺並與其後王澤竭而詩亡魯太師摯次而錄之孔子刪詩上采商下取魯

凡三百篇至秦獨以為諷誦不滅漢初有魯人申公受詩於浮丘伯作詁訓是為魯詩齊人轅固生亦傳詩是為齊詩燕人韓嬰亦傳詩是為韓詩終於後漢三家並立漢初又有趙人毛萇善詩自云子夏所傳作詁訓傳是為毛詩古學而未得立後漢有九江謝曼卿善毛詩又為之訓東海衛敬仲受學於曼卿先儒相承謂之毛詩序子夏所創毛公及敬仲又加潤益鄭眾賈逵馬融並作毛詩傳鄭玄作毛詩箋齊詩魏代已亡魯詩亡於西晉韓詩雖存無傳之者唯毛詩鄭箋至今獨立又有業詩奉朝請業遵所注立義多異世所不行

周官禮十二卷

馬融注

周官禮十二卷

鄭玄注

周官禮下二

王肅注

周官禮十二卷

伊說注

周官禮十二卷

于寶注梁人有周官

寧朔新書八卷晉燕王師王懋約撰亡

集注周官禮二十卷

崔靈恩注禮音三

劉昌宗撰

周官禮異同評十二卷

晉司空長史陳劭撰

周官禮駁難

四卷

孫略撰梁有周官駁難三卷孫琦問于寶駁晉散騎常侍虞喜撰

周官禮義疏四

十卷

沈重撰

周官禮義疏十九卷○周官禮義疏十卷○

周官禮義疏九卷周官分職四卷○周官禮圖十四卷

梁有郊祀圖二卷亡

儀禮十七卷

鄭玄注

儀禮十七卷

王肅注梁有李軌劉昌宗

音各一卷鄭玄音二卷亡

儀禮義疏見二卷○

儀禮義疏六卷○喪

服經傳一卷

馬融注

喪服經傳一卷

鄭玄注

喪服經傳一卷

王肅注

喪服經傳一卷

晉給事中袁準注

集注喪服經傳一卷

廬晉

陵太守孔倫撰

喪服經傳一卷

陳銓注

集注喪服經傳一卷

宋太

夫裴松之撰

略注喪服經傳一卷

雷次宗注

集注喪服經傳二卷

喪服經傳一卷

宋丞相諮議參軍蔡超宗注梁又有

集解喪服經傳二

卷

齊東平太守田僧紹解

喪服義疏二卷

梁步兵校尉五經博士賀瑒撰梁又有喪服經

傳義疏五卷齊散騎郎司馬嚙撰喪服經傳義疏

經傳義疏一卷

齊徵士沈麟士撰

喪服經傳義疏一卷

梁尚書左丞何佟之撰亡

服傳一卷

梁通直郎裴子野撰

喪服文句義疏十卷

陳國子助喪

服義十卷

陳國子祭酒謝嶠撰

喪服義鈔三卷

梁有喪服經傳喪

服要記一卷

王肅注

喪服要記一卷

蜀丞相蔣琬撰梁有喪服變除圖五卷吳

齊王傳射 喪服要集二卷 晉征南將軍杜預撰又有喪服要記二卷晉侍中劉逵撰

亡 喪服儀一卷 晉太保衛瓘撰梁有喪服要六卷晉司空賀循撰喪服要問六卷劉德明撰喪

服三十一卷宋員外郎散騎庾蔚之撰喪服要問二卷張耀撰喪服難問六卷崔凱撰喪服雜記二十卷伊氏撰喪服釋疑二

十卷孔智撰亡 漢荊州刺史劉表新定禮一卷 ○ 喪服

要略一卷 晉太學博士環濟撰 喪服要略二卷 ○ 喪服制要一卷

徐氏 喪服譜一卷 鄭玄注 喪服譜一卷 晉開府儀同三司蔡謨撰 喪服

譜一卷 賀循撰 喪服變除一卷 晉散騎常侍葛洪撰 凶禮一卷 晉廣

孔衍 喪服要記十卷 賀循撰梁有喪服要記宋員外常侍庾蔚之撰喪服集議十卷

宋撫軍司馬費沈撰 喪服古今集記三卷 齊大尉王儉撰 喪

服世行要記十卷 齊光祿大夫王逸撰 喪服答要難一卷 袁祈撰

服記十卷 王氏撰 喪服五要一卷 嚴氏撰 駁喪服經傳一卷

卜氏傳 喪服疑問一卷 樊氏撰 喪服圖一卷 王儉撰 喪服圖一

卷 賀遊撰 喪服圖一卷 崔逸撰梁有喪服祥禫雜議二十九卷喪服君臣圖儀一卷亡 五服圖一卷 ○ 五服圖儀

一卷 ○ 喪服禮圖一卷 ○ 五服略例一卷 ○ 喪服要問

一卷 ○ 喪服問荅目十三卷 皇侃撰 喪服假寧制三卷 ○

喪禮五服七卷 大將軍袁憲撰 論喪服決一卷 ○ 喪禮鈔三卷

王隆伯撰 大戴禮記十三卷 漢信都王太傅戴德撰梁有論

亡 夏小正一卷 戴德撰 禮記十卷 漢北中郎將盧植注 禮記二十卷

漢九江太守戴聖撰鄭玄注 禮記三十卷 王肅注梁有禮記

十二卷業遵注亡 禮記寧

朔新書八卷

王懋約注梁有二十卷

月令章句十二卷

漢左中郎將蔡邕撰

禮記音義隱一卷

謝氏撰

禮記音二卷

宋中散大夫徐爰撰梁有鄭玄王肅

射慈射貞孫毓繆炳音各一卷蔡謨東晉安北諮議參軍曹執國子助教尹毅李軌員外郎范宣音各二卷徐

邈音三卷劉昌宗音五卷亡

禮記音義隱七卷

魏祕書監

孫炎禮略二卷

禮記要鈔十卷

注撫遺別記一卷樓幼瑜撰亡

禮記新義疏二十卷

魏氏撰梁有禮義四卷魏時中鄭小同撰

雷肅之撰亡

禮記義疏九十九卷

皇侃撰

禮記講疏四十八卷

皇侃撰

禮記義疏四十卷

沈重撰

禮記義十卷

何氏撰

禮記義

疏三十八卷

梁武帝撰

禮記文外大義二卷

祕書學士褚暉撰

禮大義十卷

禮記義

證十卷

劉芳撰

禮大義章七卷

喪禮雜義三卷

中庸傳二卷

宋散騎常侍戴顒撰

中庸講疏一卷

梁武帝撰

私記制旨

中庸義五卷

禮記略解十卷

禮記評十一卷

劉雋撰

石渠禮論四卷

戴聖撰梁有羣儒疑義十二卷戴聖撰

禮論三百卷

宋御

史中丞何承天撰

禮論條牒十卷

宋太尉參軍任預撰

禮論帖三卷

任預撰

四禮論鈔二十卷

庾蔚之撰

禮論要鈔十卷

王儉撰

禮論要

鈔一百卷

賀瑒撰

禮論鈔六十九卷

禮論要鈔十卷

梁有

齊御史中丞荀萬秋鈔略二卷尚書儀曹郎丘季彬論五十八卷議一百三十卷統六卷亡

禮論答問八卷

徐廣撰

禮論答

徐廣撰

禮論答問十三卷

庾蔚之撰

禮論答問二卷

王儉撰

梁十一卷

禮論答問六卷

庾蔚之撰

禮論答問三卷

王儉撰

令吳商禮難十二卷雜義十二卷又禮議雜記故事十三卷喪雜事二十卷宋光祿大夫傅隆議二卷祭法五

禮答問十二卷○禮雜問十卷范甯撰禮答問十卷何

之撰梁禮雜問十卷○禮雜答問八卷○禮雜答問六

卷○禮雜問答鈔一卷何休撰問禮俗十卷董勛撰問禮俗

九卷董子撰答問雜儀二卷任預撰禮義答問八卷王儉撰禮

疑義五十二卷梁謹軍撰制旨革牲大義三卷梁武帝撰禮樂

義十卷○禮祕義三卷○三禮目錄一卷鄭玄撰梁有

亡三禮義宗三十卷崔靈恩撰三禮宗略二十卷元延明撰三禮

大義十三卷○三禮大義四卷○三禮雜大義三卷梁

司馬法三卷李氏訓記三卷又郊丘議三卷魏太尉蔣

濟撰祭法五卷又明堂議三卷王肅撰雜祭法六卷晉

司空中郎盧諶撰祭典三卷晉安北將軍范注撰七廟

議一卷又後養議五卷于寶撰雜鄉射等議三卷晉太

尉庾亮撰逆降義三卷宋特進顏延之撰逆降義一卷

田僧紹撰分明土制三卷何承天撰釋疑二卷郭鴻撰

答問四卷徐廣撰答問五十一卷禮圖九卷鄭玄及後漢

撰周室王城明堂宗廟圖一卷祁謙撰梁又有冠服圖

圖一卷七 右一百三十六部一千六百二十二卷通計七書

一部二千一百八十六卷

自大道既隱天下為家先王制其夫婦父子君臣上下

親疎之節至于三代損益不同周衰諸侯僭忒惡其害

已多被焚削自孔子時已不能具至秦而頓滅漢初有

高堂生傳十七篇又有古經出於淹中而河間獻王好古愛學收集餘燼得而獻之合五十六篇並威儀之事而又得司馬穰苴兵法一百五十五篇及明堂陰陽之記並無敢傳之者唯古經十七篇與高堂生所傳不殊而字多異自高堂生至宣帝時后蒼最明其業乃爲曲臺記蒼授梁人戴德及德從兄子聖沛人慶普於是有大戴小戴慶氏三家並立後漢唯曹元傳慶氏以授其子褒然三家雖存並微相傳不絕漢末鄭玄傳小戴之學後以古經校之取其於義長者作注爲鄭氏學其喪服一篇子夏先傳之諸儒多爲注解今又別行而漢時

有李氏得周官周官蓋周公所制官政之法上於河間獻王獨闕冬官一篇獻王購以千金不得遂取考工記以補其處合成六篇奏之至王莽時劉歆始置博士以行於世河南緱氏及杜子春受業於歆因以教授是後馬融作周官傳以授鄭玄玄作周官注漢初河間獻王又得仲尼弟子及後學者所記一百三十一篇獻之時亦無傳之者至劉向考校經籍檢得一百三十篇向因第而敘之而又得明堂陰陽記三十三篇孔子三朝記七篇王氏史氏記二十一一篇樂記二十三篇凡五種合二百十四篇戴德刪其煩重合而記之爲八十五篇謂

之大戴記而戴聖又刪大戴之書為四十六篇謂之小戴記漢末馬融遂傳小戴之學融又足月令一篇明堂位一篇樂記一篇合四十九篇而鄭玄受業於融又為之註今周官六篇古經十七篇小戴記四十九篇凡三種唯鄭注立於國學其餘並多散亡又無師說

樂社大義十卷

梁武帝撰

樂論三卷

梁武帝撰

梁武帝撰

樂論一卷

衛尉少卿蕭吉撰

古今樂錄十二卷

陳沙門智匠撰

樂書七

卷

後魏丞相士曹行參軍信都芳撰

樂雜書三卷

樂元一卷

魏僧撰管

絃記十卷

凌秀撰

樂要一卷

何妥撰

樂部一卷

春官樂部

五卷

梁有宋元嘉正聲伎錄一卷張解撰亡

樂府聲調六卷

岐州刺史沛國公鄭譯撰

樂府聲調三卷

鄭譯撰

樂經四卷

琴操三卷

晉廣陵相孔衍撰

琴操鈔二卷

琴操鈔一卷

琴譜四卷

戴氏撰

琴經一

卷

琴曆頭簿一卷

新雜漆調絃譜一

卷

樂譜集二十卷

蕭吉撰

樂略四卷

律義四卷

沈重撰

鍾律義一卷

樂簿十卷

一卷

大隋總典簿一卷

并尺法

推七音二卷

一卷

樂事一卷

曲名一卷

太常寺曲簿十一卷

代樂名一卷

鍾磬志二卷

公孫崇撰

樂懸一卷

何晏等撰

樂

懸圖一卷

鍾律緯辯宗見一卷

撰黃鍾律一卷梁有鍾律緯六卷梁武帝撰亡

右四十二部一百四十二卷通計亡書合四十六部二百六十三卷

樂者先王所以致神祇和邦國諧百姓安賓客悅遠人所從來久矣周人存六代之樂曰雲門咸池大韶大夏大濩大武其後衰微崩壞及秦而頓滅漢初制氏雖紀其鏗鏘鼓儻而不能通其義其後竇公河間獻王常山王張禹咸獻樂書魏晉已後雖加損益去正轉遠事在聲樂志今錄其見書以補樂章之闕

春秋經十三卷吳衛將軍士燮注春秋左氏長經二十卷漢侍中賈逵章句春秋左氏解詁三十卷賈逵撰春秋左氏傳解詁三

十一卷漢九江太守張虔注春秋左氏傳三十卷王肅注春秋左氏

傳三十卷董遇章句春秋左氏傳義注十八卷孫毓注春秋左

氏傳十二卷魏司徒王朗撰春秋左氏經傳集解三十卷杜預撰

春秋杜氏服氏注春秋左傳十卷殘缺春秋左氏傳音三

卷魏中散大夫嵇康撰梁有服虔杜預音三卷魏高貴鄉公春秋左氏傳音三卷曹毓音尚書左人郎荀訥

等音四春秋左氏傳音三卷李軌撰春秋左氏傳音三卷

徐邈春秋釋訓一卷賈逵撰春秋左氏經傳朱墨列一卷

賈逵春秋釋例十卷漢公車徵士穎容撰梁有春秋左氏傳條例九卷漢大司農鄭眾撰

春秋左氏膏肓釋病十卷服虔撰梁有春秋漢議駁二卷服虔撰亡駁何氏

漢議二卷鄭玄撰春秋成長說九卷服虔撰梁有春秋左氏達義一卷漢司徒

撰王玠 春秋塞難三卷 服虔撰梁有春秋雜議難五卷

撰亡 春秋說要十卷 魏樂平太守糜信撰 春秋釋例十五卷 杜預撰

撰梁有春秋釋例引序一卷 魏樂平太守糜信撰 春秋左氏傳評二卷 杜預撰 春秋

秋條例十一卷 晉太尉劉寔撰梁有春秋 春秋經例十

二卷 晉方範撰梁有春秋釋滯十卷晉尚書左丞 春秋

左氏傳條例二十五卷 ○ 春秋義例十卷 ○ 春秋左傳

例苑十九卷 梁有春秋經傳說例疑隱一卷吳略撰春

亡 春秋左氏經傳通解四卷 王述撰 春秋左氏傳賈服

異同略五卷 孫毓撰 春秋左氏函傳義十五卷 于寶撰 春秋

左氏區別三十卷 宋尚書功論郎何賀真撰 春秋文苑六卷 ○ 春秋

叢林十二卷 ○ 春秋義林一卷 ○ 春秋大夫辭三卷 ○

春秋嘉語六卷 ○ 春秋左氏諸大夫世譜十三卷 ○ 春

秋五辯二卷 梁五經博士沈宏撰 春秋辯證六卷 ○ 春秋旨通十

卷 王述撰 春秋經傳解六卷 崔靈恩撰 春秋申先儒傳論十卷

崔靈恩撰 春秋左氏傳立義十卷 崔靈恩撰 劉寔等集解春秋序

一卷 ○ 春秋序論二卷 于寶撰 春秋序一卷 賀道注 春秋序

一卷 崔靈恩撰 春秋序一卷 田元休注 春秋左傳杜預序集解一

卷 劉炫注 ○ 春秋左氏經傳義略二十五卷 陳國子博士

王元規續沈文阿春秋左氏傳義略十卷 ○ 春秋義略

三十卷 陳右軍將軍張冲撰 春秋左氏義略八卷 ○ 春秋五十凡

義疏二卷○春秋左氏傳述義四十卷東京大學博士劉炫撰春

秋序義疏一卷梁有春秋發題一卷梁簡文帝撰春秋

今春秋盟會春秋公羊傳十二卷嚴彭祖撰春秋公羊解詁

十一卷漢諫議大夫何休注春秋公羊經傳十三卷晉散騎常侍

有春秋公羊傳十二卷晉河南太守高龍注春秋公羊

傳十四卷孔衍集解春秋公羊音李軌晉徵士注淳撰

各一卷春秋繁露十七卷漢膠西相董仲舒撰春秋決事十卷董仲舒撰

春秋決疑論一卷○春秋左氏膏肓十卷何休撰春秋穀

梁廢疾三卷何休撰春秋漢議十三卷何休撰駁何氏漢議

二卷鄭玄撰梁有漢議駁二卷服虔撰亡駁何氏漢議序一卷○春秋公

羊墨守十四卷何休撰春秋公羊例序五卷刁氏撰春秋公

羊論例一卷何休撰梁有春秋公羊傳條例一卷何休撰

太守徐欽荅春秋公羊論二卷晉荀爽問魏安平

車騎將軍庾翼問王愨期荅亡春秋公羊解序一卷

鮮于公撰春秋公羊疏十二卷○春秋穀梁傳十三卷吳僕

固注梁有春秋穀梁傳十五春秋穀梁傳十二卷魏平

卷漢諫議大夫尹更始撰亡春秋穀梁傳十二卷樂太

守糜穀梁傳十卷晉堂邑太守張靖注梁有春秋穀梁

信注穀梁傳十卷程闡春秋穀梁傳十

四卷孔衍撰春秋穀梁傳十二卷徐邈撰春秋穀梁傳十四

卷段肅注春秋穀梁傳五卷孔君指訓殘春秋穀梁傳

十二卷范甯集解梁有春秋穀梁傳四卷殘缺張程孫

糜信理何氏漢議二卷魏人撰春秋穀梁傳義十卷徐邈撰

春秋議十卷

何休撰

徐邈答春秋穀梁義三卷○薄叔玄

問穀梁義二卷

梁四卷

春秋穀梁傳例一卷

范甯撰

春秋公

羊穀梁傳十二卷

晉博士劉兆撰

春秋穀梁廢疾三卷

何休撰鄭玄釋

張靖箋

春秋公羊穀梁二傳評三卷○春秋三家經本訓

詁十二卷

賈逵撰宋有三家經二卷亡

春秋三傳論十卷

魏大長秋韓益撰

春秋經合三傳十卷

潘叔度撰

春秋成奪十卷

潘叔度撰

春秋三

傳評十卷

胡訥撰梁有春秋集三師難三卷春秋集三傳經解十卷胡訥撰今亡

春秋土

地名三卷

晉裴秀客京相璠等撰

春秋外傳國語二十卷

賈逵注

春

秋外傳國語二十一卷

虞翻注

春秋外傳章句一卷

王肅撰梁

春秋外傳國語二十二卷

韋昭注

春秋外傳國語二

十卷

晉五經博士孔晁注

春秋外傳國語二十一卷

唐固注梁有春秋古今盟

會地圖一卷亡

右九十七部九百八十三卷

通計亡書合一千一百九十卷

春秋者魯史策書之名昔成周微弱典章淪廢魯以周公之故遺制尚存仲尼因其舊史裁而正之或婉而成章以存大順或直書其事以示首惡故有求名而亡欲蓋而彰亂臣賊子於是大懼其所褒貶不可具書皆口授弟子弟子退而異說左丘明恐失其真乃為之傳遭秦滅學口說尚存漢初有公羊穀梁鄒氏夾氏四家並行王莽之亂鄒氏無師夾氏亡初齊人胡毋子都傳公

羊春秋授東海嬴公嬴公授東海孟卿孟卿授魯人眭孟眭孟授東海嚴彭祖魯人顏安樂故後漢公羊有嚴氏顏氏之學與穀梁三家並立漢末何休又作公羊解說而左氏漢初出於張蒼之家本無傳者至文帝時梁太傅賈誼為訓詁授趙人貫公其後劉歆典校經籍考而正之欲立於學諸儒莫應至建武中尚書令韓歆請立而未行時陳元最明左傳又上書訟之於是乃以魏郡李封為左氏博士後羣儒蔽固者數廷爭之及封卒遂罷然諸儒傳左氏者甚眾永平中能為左氏者擢高第為講郎其後賈逵服虔並為訓解至魏遂行於世晉

時杜預又為經傳集解穀梁范甯注公羊何休注左氏服虔杜預注俱立國學然公羊穀梁但試讀文而不能通其義後學三傳通講而左氏唯傳服義至隋杜氏盛行服義及公羊穀梁浸微今殆無師說

古文孝經一卷 孔安國傳梁末亡 孝經一卷 鄭氏注梁

眾注孝經二卷亡 孝經一卷 王肅解梁有魏散騎常侍蘇林吏部尚書何晏光祿大夫劉邵孫氏

等注孝經各一卷亡 孝經解讚一卷 韋昭 孝經嘿注一卷 徐整集

解孝經一卷 謝萬 集議孝經一卷 晉中書郎荀勗撰亡 集議孝經

一卷 晉東陽太守袁敬仲集梁有孝經皇義一卷宋均撰又有晉給事中楊泓處士虞槃佐孫氏東陽太

守殷仲文晉陵太守殷叔道丹楊尹車胤孔光各注孝經一卷荀勗注孝經二卷宋何承天費沈齊光祿大夫

王玄載國子博士明僧紹梁五經博士嚴植之尚書功
論郎曹思文羽林監江係之江遜等注孝經各一卷釋

慧始注孝經一卷陶弘景集注孝經一卷
經一卷諸葛循孝經序一卷亡 孝經一卷 釋慧琳注

帝時晉孝經一卷武帝時送摠明館孝經講議各一卷
宋大明中東宮講齊永明三年東宮講齊永明中諸王

講及賀瑒講孝經義疏各一卷齊臨沂 孝經義疏十
令李玉之為始興王講孝經義疏二卷亡

八卷 梁武帝撰梁有皇太子講孝經義三卷天監八年
皇太子講孝經義一卷梁簡文孝經義疏五卷蕭

子顯孝經義 孝經敬愛義一卷 梁吏部尚書 孝經私記
疏一卷亡 蕭子顯撰

四卷 無名先 孝經義一卷 趙景 孝經
生撰 孝經義疏一卷 詔撰

義疏三卷 皇侃 孝經私記二卷 周弘 千文孝經述義五
撰 孝經講疏六卷 徐孝 孝經義一卷 梁楊州文學

卷 劉炫 孝經講疏六卷 克撰 孝經義一卷 從事太史叔
明撰梁有孝經玄孝經圖各 國語孝經一卷

一卷孝經孔子圖二卷亡

右十八部合六十三卷 通計亡書合五十九部一百一十四卷

夫孝者天之經地之義人之行自天子達於庶人雖尊
卑有差及乎行孝其義一也先王因之以治國家化天
下故能不嚴而順不肅而成斯實生靈之至德王者之
要道孔子既敘六經題目不同指意差別恐斯道離散
故作孝經以總會之明其枝流雖分本萌於孝者也遭
秦焚書為河間人顏芝所藏漢初芝子貞出之凡十八
章而長孫氏博士江翁少府后蒼諫議大夫翼奉安昌
侯張禹皆名其學又有古文孝經與古文尚書同出而
長孫有閨門一章其餘經文大較相似篇簡缺解又有

衍出三章并前合為二十三章孔安國為之傳至劉向
典校經籍以顏本比古文除其繁惑以十八章為定鄭
眾馬融並為之注又有鄭氏注相傳或云鄭玄其立義
與玄所注餘書不同故疑之梁代安國及鄭氏二家並
立國學而安國之本亡於梁亂陳及周齊唯傳鄭氏至
隋祕書監王劭於京師訪得孔傳送至河間劉炫炫因
序其得喪述其議疏講於人間漸聞朝廷後遂著令與
鄭氏並立儒者誼誼皆云炫自作之非孔舊本而祕府
又先無其書又云魏氏遷洛未達華語孝文帝命侯伏
侯可悉陵以夷言譯孝經之旨教于國人謂之國語孝

經今取以附此篇之末

論語十卷

鄭玄注梁有古文論語十卷鄭玄注又

論語

九卷

鄭玄注晉散騎常侍虞喜讚

集解論語十卷

何晏集

集注論語六

卷

晉入卷晉太保衛瓘注梁有論語補闕二卷宋明帝補衛瓘闕亡

論語集義八卷

晉尚

書左中兵郎崔豹集梁十卷

論語十卷

晉著作郎李充注

集解論語十卷

晉廷

尉孫綽解梁有盈氏及孟釐注論語各十卷亡

集解論語十卷

晉兗州別駕江熙解論語

七卷

盧氏注梁有晉國子博士梁觀益州刺史袁喬尹毅司徒左長史張馮及陽惠明宋新安太守孔澄

之齊員外郎虞遐及許容曹思文注釋僧智略解梁太史叔明集解陶弘景集注論語各十卷又論語音二卷

徐貌等撰亡 論語難鄭一卷

撰亡

論語難鄭一卷

梁有古論語義注譜一卷徐氏撰論語隱義注三卷論語義注

三卷

論語難鄭一卷

○論語標指一卷

隋書經籍志

卷一

氏撰

論語雜問

一卷。論語孔子弟子目錄一卷鄭玄撰。論語體略二卷王弼撰。

晉太傅主簿郭象撰。論語旨序三卷晉衛尉繆播撰。論語釋疑三卷王弼撰。

論語釋一卷張憑撰。論語釋疑十卷晉尚書郎樂肇撰。

肅撰。論語駁序二卷樂肇撰。論語隱一卷郭象撰。論語藏集解一卷應琛撰。論語釋一卷曹毗撰。論語君子無所爭一卷庾亮撰。論語釋一卷李充撰。論語釋一卷庾翼撰。論語義一卷王濛撰。又蔡系論語釋一卷張隱論語釋一卷。鄭原通鄭一卷王氏修。

鄭錯一卷姜處道論釋一卷。亡。論語別義十卷范廩撰。

有論語疏八卷宋司空法曹張略撰。論語義疏十卷褚仲。

等撰新書對張論十卷虞喜撰。論語義疏十卷都撰。

論語義疏十卷皇侃撰。論語述義十卷劉炫撰。論語義疏八

卷。○論語講疏文句義五卷徐孝克撰。論語義疏二卷張。

撰。梁有論語義注圖十二卷亡。孔叢七卷陳勝博士孔鮒撰。梁有孔志

孔子家語二十一卷王肅解。梁有當家語二卷孔子正言。

二十卷梁武帝撰。爾雅三卷漢中散大夫樊光注。梁有漢劉

各三卷亡。爾雅七卷孫炎注。爾雅五卷郭璞注。集注爾雅十卷梁。

門郎沈。爾雅音八卷祕書學士江淮撰。梁有爾雅圖

十卷郭璞撰。梁有爾雅圖廣雅三卷。魏博士張揖撰

音四卷祕書學士曹憲撰。小爾雅一卷李軌略。方言十三卷漢楊。

郭璞注。釋名八卷劉熙撰。辯釋名一卷韋昭撰。五經音十卷徐。

撰。五經正名十二卷劉炫撰。白虎通六卷。○五經異義十

卷後漢太尉祭酒許慎撰。五經然否論五卷晉散騎常侍譙周撰。五經拘沈

十卷晉高涼太守楊方撰。五經大義三卷戴逵撰。梁有通五經五

卷王弼撰。五經各疑八

卷周揚撰五經異同評一卷後周縣角賀瑒撰五卷祕表要三卷亡

文深撰經典大義十二卷沈文阿撰五經大義五卷何妥撰五經

通義八卷梁九卷五經義六卷梁七卷梁又有五卷亡五經要

義五卷雷氏撰五經析疑二十八卷邯鄲綽撰五經宗略

二十三卷元延明撰五經雜義六卷孫暢撰長春義記一百卷

梁簡文帝撰大義九卷○遊玄桂林九卷張機撰六經通數十

卷梁舍人鮑泉撰七經義綱二十九卷樊文深撰七經論三卷懋文深撰

質疑五卷樊文深撰經典玄儒大義序錄二卷沈文阿撰玄義問

答二卷○六藝論一卷鄭玄撰聖證論十二卷王肅撰鄭志

十一卷魏侍中鄭小同撰鄭記六卷鄭玄弟子撰諡法三卷劉熙撰諡

法十卷特進中軍將軍沈約撰諡法五卷梁太府賀瑒撰江都集禮一百

二十六卷

右七十三部七百八十一卷通計亡書合一百一十六部一千二十七卷

論語者孔子弟子所錄孔子既敘六經講於洙泗之上

門徒三千達者七十其與夫子應答及私相講肄言合

於道或書之於紳或事之無厭仲尼既沒遂緝而論之

謂之論語漢初有齊魯之說其齊人傳者二十二篇魯

人傳者二十篇齊則昌邑中尉王吉少府宗畸御史大

夫貢禹尚書令五鹿充宗膠東庸生魯則常山都尉龔

奮長信少府夏侯勝韋丞相節侯父子魯扶卿前將軍

蕭望之安昌侯張禹並名其學張禹本授魯論晚講齊論後遂合而考之刪其煩惑除去齊論問王知道二篇從魯論二十篇為定號張侯論當世重之周氏包氏為之章句馬融又為之訓又有古論語與古文尚書同出章句煩省與魯論不異唯分子張為二篇故有二十一篇孔安國為之傳漢末鄭玄以張侯論為本參考齊論古論而為之注魏司空陳羣太常王肅博士周生烈皆為義說吏部尚書何晏又為集解是後諸儒多為之注齊論遂亡古論先無師說梁陳之時唯鄭玄何晏立於國學而鄭氏甚微周齊鄭學獨立至隋何鄭並行鄭氏

盛於人間其孔叢家語並孔氏所傳仲尼之旨爾雅諸書解古今之意并五經總義附于此篇

河圖二十卷梁河圖洛書二十四卷目錄一卷亡河圖龍文一卷○易緯

八卷鄭玄注梁有九卷尚書緯三卷鄭玄注梁有六卷尚書中候五卷鄭玄注

注梁有八卷今殘缺詩緯十八卷魏博士宋均注梁有十卷禮緯三卷鄭玄注梁有禮

記默房二卷宋均注梁有三卷樂緯三卷宋均注梁有五鳥圖一卷亡

春秋災異十五卷郝萌撰梁有春秋緯三十卷宋均注春秋內事四卷春秋包命二卷春秋

祕事十一卷書易詩孝經春秋河洛緯祕要一卷五帝鈞命決圖一卷亡孝經勾命決六卷

宋均注孝經援神契七卷宋均注孝經內事一卷梁有孝經雜緯十卷

宋均注孝經元命包一卷孝經古祕援神二卷孝經古祕圖一卷孝經左右握二卷孝經左右契圖一卷孝經

雖雄圖二卷孝經異本雌雄圖二卷孝經分野圖一卷
孝經內事圖二卷孝經內事星宿講堂七十二弟子圖
一卷又口授圖一卷又論語識八卷宋均注孔老識十
二卷老子河洛識一卷尹公識四卷劉向識二卷雜識
書二十九卷堯戒舜禹一卷孔子王明鏡一卷郭文
金雄記一卷王子年歌一卷嵩高道士歌一卷亡

右十三部合九十二卷通計亡書合三十二部共一百三十二卷

易曰河出圖洛出書然則聖人之受命也必因積德累
業豐功厚利誠著天地澤被生人萬物之所歸往神明
之所福饗則有天命之應蓋龜龍銜負出於河洛以紀
易代之徵其理幽昧究極神道先王恐其惑人祕而不
傳說者又云孔子既叙六經以明天人之道知後世不
能稽同其意故別立緯及識以遺來世其書出於前漢

有河圖九篇洛書六篇云自黃帝至周文王所受本文
又別有三十篇云自初起至于孔子九聖之所增演以
廣其意又有七經緯三十六篇並云孔子所作并前合
為八十一篇而又有尚書中候洛罪級五行傳詩推度
災汜曆樞含神務孝經勾命決援神契雜識等書漢代
有郗氏袁氏說漢末郎中郗萌集圖緯識雜占為五十
篇謂之春秋災異宋均鄭玄並為識律之注然其文辭
淺俗顛倒舛謬不類聖人之旨相傳疑世人造為之後
或者又加點竄非其實錄起王莽好符命光武以圖識
興遂盛行於世漢時又詔東平王蒼正五經章句皆命

從讖俗儒趨時益為其學篇卷第目轉加增廣言五經者皆憑讖為說唯孔安國毛公王璜賈逵之徒獨非之相承以為祇妄亂中庸之典故因漢魯恭王河間獻王所得古文參而考之以成其義謂之古學當世之儒又非毀之竟不得行魏代王肅推引古學以難其義王弼杜預從而明之自是古學稍立至宋大明中始禁圖讖梁天監已後又重其制及高祖受禪禁之踰切煬帝即位乃發使四出搜天下書籍與讖緯相涉者皆焚之為吏所糾者至死自是無復其學祕府之內亦多散亡今錄其見存列于六經之下以備異說

三蒼三卷

郭璞注秦相李斯作蒼頡篇漢楊雄作訓纂篇後漢郎中賈訪作滂喜篇故曰三蒼梁有

蒼頡二卷後漢司空杜林注亡

埤蒼三卷

張揖撰梁有廣蒼一卷樊恭撰亡

急就章二卷

崔浩撰 急就章三卷 豆盧氏撰 吳章

二卷

陸機撰 小學篇一卷 晉下邳內史王義撰 小學九卷 楊方撰 始學

一卷 ○ 勸學一卷

蔡邕撰有司馬相如凡將篇班固太甲篇在昔篇崔援飛龍篇蔡邕聖皇

篇黃初篇吳章篇蔡邕女史篇合入卷又幼學二卷朱育撰始學十二卷吳郎中項峻撰又月儀十二卷亡

發蒙記一卷

晉著作郎束皙撰 啓蒙記三卷 晉散騎常侍顧愷之撰 啓疑

記三卷

顧愷之撰 千字文一卷 梁給事郎周興嗣撰 千字文一卷 梁國子祭

酒蕭子雲注 千字文一卷 胡肅注 篆書千字文一卷 ○ 演千字

文五卷

○ 草書千字文一卷 ○ 古今字詁三卷 張揖撰梁有難

字一卷錯誤字一卷並張揖撰異字雜字解詁四卷魏

二卷朱育撰字屬一卷賈魴撰亡義訓音六卷古今字苑十卷曹侯彥撰亡雜字指一

卷後漢太子中庶子郭顯卿撰字指二卷晉朝議大夫李彤撰梁有

偶五卷說文十五卷許慎撰梁有演說文一卷庾儼默注亡說文音隱四卷

○字林七卷晉弦令呂忱撰字林音義五卷宋楊州督護吳恭撰古今字

書十卷○字書三卷○字書十卷○字統二十一卷承楊

慶玉篇三十一卷陳左將軍顧野王撰字類叙評三卷侯洪撰要字

苑一卷宋豫章太守謝康樂撰梁有常用字訓一卷殷仲堪撰要用字對誤四卷梁輕車參軍鄒誕生

亡要用雜字三卷鄒里撰梁有文字要記三卷王義撰亡俗語難字一卷

秘書少監王劭撰雜字要三卷密州行參軍李少通撰文字整疑一卷○

正名一卷○文字集略六卷梁文貞處士阮孝緒撰今字辯疑三

卷李少通撰異字同音一卷梁有擇字同音三卷宋散騎常侍吉文甫撰字宗三

卷薛立撰文字譜一卷梁有古今文字序一卷劉敞撰文

字辯嫌一卷彭立撰辯字一卷戴規撰雜字音一卷○借音

字一卷○音書考源一卷○聲韻四十一卷周研撰聲類

十卷魏左校令李登撰韻集十卷○韻集六卷晉安復令呂靜撰四聲

韻林二十八卷張諒撰韻集八卷段弘撰羣玉典韻五卷梁

文章音韻二卷王該撰韻略一卷楊林撰脩續音韻決疑十

四卷李旣撰纂韻鈔十卷○四聲指歸一卷劉善經撰四聲一

卷梁太子少傅沈約撰四聲韻略十三卷夏侯詠撰音譜四卷李旣撰韻

英三卷

釋靜洪撰

通俗文一卷

服虔撰

訓俗文字略一卷

後齊黃門

郎顏之惟撰

證俗音字略六卷

梁有詁幼一卷宋給事中荀楷撰

亡

文字音七卷

晉蕩昌長王延撰

翻真語一卷

王延撰

言鑒誠一卷。字書音同異一卷。叙同音義三卷。

河洛語音一卷

王長孫撰

國語十五卷

國語十卷。鮮卑

語五卷。國語物名四卷

後魏侯伏侯可悉陵撰

國語真歌十卷

國語雜物名三卷

侯伏侯可悉陵撰

國語十八傳一卷。國

語御歌十一卷。鮮卑語十卷。國語號令四卷。國

語雜文十五卷。鮮卑號令一卷

周武帝撰

雜號令一卷。

古文官書一卷

後漢議郎衛敬仲撰

古今奇字一卷

郭顯卿撰

六文書

一卷。四體書勢一卷

晉長水校尉衛恒撰

雜體書九卷

釋正古

今八體六文書法一卷。古今篆隸雜字體一卷

蕭子政撰

古今文等書一卷。篆隸雜體書二卷。文字圖二卷

古今字圖雜錄一卷

祕書學士曹憲撰

婆羅門書一卷

梁有扶南

外國書四卷。秦皇東巡會稽刻石文一卷。

字石經周易一卷

梁有三卷

字石經尚書六卷

梁有今字石經鄭氏

尚書八卷七

一字石經魯詩六卷

梁有毛詩二卷

一字石經儀禮

九卷。一字石經春秋一卷

梁有一卷

一字石經公羊傳九

卷。一字石經論語一卷

梁有二卷

一字石經典論一卷。

三字石經尚書九卷

梁有三卷

三字石經尚書五卷。

字石經春秋三卷

梁有十卷

右一百八部四百四十七卷

通計亡書合一百三十五部五百六十九卷

孔子曰必也正名乎名謂書字名不正則言不順言不順則事不成說者以爲書之所起起自黃帝蒼頡比類象形謂之文形聲相益謂之字著於竹帛謂之書故有象形諧聲會意轉注假借處事六義之別古者童子示而不誑六年教之數與方名十歲入小學學書計二十而冠始習先王之道故能成其德而任事然自蒼頡訖于漢初書經五變一曰古文卽蒼頡所作二曰大篆周宣王時史籀所作三曰小篆秦時李斯所作四曰隸書

程邈所作五曰草書漢初作秦世旣廢古文始用八體有大篆小篆刻符摹印蟲書署書爰書隸書漢時以六體教學童有古文奇字篆書隸書繆篆蟲鳥并藁書楷書懸針垂露飛白等二十餘種之勢皆出於上六書因事生變也魏世又有八分書其字義訓讀有史籀篇蒼頡篇三蒼埤蒼廣蒼等諸篇章訓詁說文字林音義聲韻體勢等諸書自後漢佛法行於中國又得西域胡書能以十四字貫一切音文省而義廣謂之婆羅門書與八體六文之義殊別今取以附體勢之下又後魏初定中原軍容號令皆以夷語後染華俗多不能通故錄其

本言相傳教習謂之國語今取以附音韻之末又後漢
鐫刻七經著於石碑皆蔡邕所書魏正始中又立一字
石經相承以爲七經正字後魏之末齊神武執政自洛
陽徙于鄴都行至河陽值岸崩遂没于水其得至鄴者
不盈大半至隋開皇六年又自鄴京載入長安置於祕
書內省議欲補緝立于國學尋屬隋亂事遂寢廢營造
之司因用爲柱礎貞觀初祕書監臣魏徵始收聚之十
不存一其相承傳拓之本猶在祕府并秦帝刻石附於
此篇以備小學

凡六藝經緯六百二十七部五千三百七十一卷

通計亡書合九百五十
部七千二百九十卷

傳曰玉不琢不成器人不學不知道古之君子多識而
不窮畜疑以待問學不踰等教不陵節言約而易曉師
逸而功倍且耕且養三年而成一藝自孔子沒而微言
絕七十子喪而大義乖學者離羣索居各爲異說至于
戰國典文遺棄六經之儒不能究其宗旨多立小數一
經至數百萬言致令學者難曉虛誦問荅唇腐齒落而
不知益且先王設教以防人欲必本於人事折之中道
上天之命略而罕言方外之理固所未說至後漢好圖
讖晉世重玄言穿鑿妄作日以滋生先王正典雜之以

祇妄大雅之論汨之以放誕陵夷至于近代去正轉踈
無復師資之法學不必解專以浮華相尚豫造雜難擬
為讎對遂有芟角反對互從等諸翻競之說馳騁煩言
以紊彞叙饒饒成俗而不知變此學者之蔽也班固列
六藝為九種或以緯書解經合為十種

隋書經籍志卷一

隋書經籍志卷二

唐 長孫無忌等撰

經籍二 史

史記一百三十卷

目錄一卷漢中書令司馬遷撰

史記八十卷

宋南中郎外兵

參軍裴駰注

史記音義十二卷

宋中散大夫徐野民撰

史記音三卷

梁

車錄事參軍鄒誕生撰

古史考二十五卷

晉義陽亭侯譙周撰

漢書一百一

十五卷

漢護軍班固撰太山太守應劭集解

漢書集解音義二十四卷

應

撰 漢書音訓一卷 服虔撰 漢書音義七卷 韋昭撰 漢書音二

卷 梁潯陽太守劉顯撰 漢書音二卷 夏侯詠撰 漢書音義十二卷 國子博士

撰 蕭該 漢書音十二卷 廢太子勇命包愷等撰 漢書集注十三卷 晉灼

撰 漢書注一卷 齊金紫光祿大夫陸澄撰 漢書續訓三卷 梁北平諮議參軍韋

稜 撰 漢書訓纂三十卷 陳吏部尚書姚察撰 漢書集解一卷 姚察撰 論

前漢事一卷 蜀丞相諸葛亮撰 漢書駁議二卷 晉安北將軍劉寶撰 定漢

書疑二卷 姚察撰 漢書敘傳五卷 項岱撰 漢疏四卷 梁有漢書孟康

音九卷 劉孝標注 漢書一百四十卷 陸澄注 漢書一百二卷 梁元帝注 漢書一百一十五卷 並亡 東觀

漢記一百四十三卷 起光武記注至靈帝長水校尉劉珣等撰 後漢書一百

三十卷 無帝紀吳武陵太守謝承撰 後漢記六十五卷 本一百卷梁有今殘缺晉

散騎常侍 薛瑩撰 續漢書八十三卷 晉祕書監司馬彪撰 後漢書十七卷

本九十七卷 今殘缺 後漢書八十五卷 本一百二十二卷晉祠部郎謝

沈 撰 後漢南記四十五卷 本五十五卷今殘缺 後漢書九

十五卷 本一百卷晉祕書監袁山松撰 後漢書九十七卷 宋太子詹事范曄撰 後

漢書一百二十五卷 范曄本梁刻 後漢書音一卷 後魏太常

劉芳 撰 范漢音訓三卷 陳宗道先生臧兢撰 范漢音三卷 蕭該撰 後漢

書讚論四卷 范曄撰 漢書續十八卷 范曄撰梁有蕭子顯

後漢林二百卷 壺闡後漢音二卷亡 魏書四十八卷 晉司空王沈撰 吳書二十五

卷 韋昭撰本五十五卷梁有今殘缺 吳紀九卷 晉太學博士環濟撰晉有張勃吳錄三十卷亡

三國志六十五卷 敘錄一卷晉太子中庶子陳壽撰宋太中大夫裴松之注 魏志音

義一卷盧宗道撰論三國志九卷何常侍撰三國志評三卷徐爰撰

有三國志序評三卷晉著作佐郎王濤撰亡晉書八十六卷本九十三卷今殘缺晉著作郎

王隱撰晉書二十六卷本四十四卷訖明帝今殘晉書十

卷未成本十四卷今殘缺晉中書郎朱鳳撰訖元帝晉中興書七十八卷起東

湘東太守何法盛撰晉書三十六卷宋臨川內史謝靈運撰晉書一百一十

卷齊徐州主簿臧榮緒撰晉書十一卷本一百二卷梁有今殘缺蕭子雲撰晉史草

三十卷梁蕭子顯撰梁有鄭忠晉書七卷沈約晉書一百一十一卷庾銑東晉新書七卷亡宋書

六十五卷宋中散大夫徐爰撰宋書六十五卷齊冠軍錄事參軍孫嚴撰宋書

一百卷梁尚書僕射沈約撰梁有宋文齊書六十卷梁

部尚書蕭子顯撰齊紀十卷劉陟撰齊紀二十卷沈約撰梁有江

亡 梁書四十九卷梁中書郎謝吳撰本一百卷梁史五十三卷陳領

著作郎許亨撰梁書帝紀七卷姚察撰通史四百八十卷梁武帝

皇訖後魏書一百三十卷後齊僕射魏收撰後魏書一百卷著作

郎魏彥深撰陳書四十二卷訖宣帝陳吏部尚書陸瓊撰周史十八卷未

吏部尚書牛弘撰

右六十七部三千八十三卷通計亡書合八十九部四千二十卷

古者天子諸侯必有國史以紀言行後世多務其道彌

繁夏殷已上左史記言右史記事周則太史小史內史

外史御史分掌其事而諸侯之國亦置史官又春秋國

語引周志鄭書之說推尋事迹似當時記事各有職司

後又合而撰之總成書記其後陵夷衰亂史官放絕秦滅先王之典遺制莫存至漢武帝時始置太史公命司馬談爲之以掌其職時天下計書皆先上太史副上丞相遺文古事靡不畢臻談乃據左氏國語世本戰國策楚漢春秋接其後事成一家之言談卒其子遷又爲太史令嗣成其志上自黃帝訖于炎漢合十二本紀十表八書二十世家七十列傳謂之史記遷卒以後好事者亦頗著述然多鄙淺不足相繼至後漢扶風班彪綴後傳數十篇并譏正前失彪卒明帝命其子固續成其志以爲唐虞三代世有典籍史遷所記乃以漢氏繼於百

王之末非其義也故斷自高祖終於孝平王莽之誅爲十二紀八表十志六十九傳潛心積思二十餘年建初中始奏表及紀傳其十志竟不能就固卒後始命曹大家續成之先是明帝召固爲蘭臺令史與諸先輩陳宗尹敏孟冀等共成光武本紀擢固爲郎典校祕書固撰後漢事作列傳載記二十八篇其後劉珍劉毅劉陶伏無忌等相次著述東觀謂之漢記及三國鼎峙魏氏及吳並有史官晉時巴西陳壽刪集三國之事唯魏帝爲紀其功臣及吳蜀之主並皆爲傳仍各依其國部類相從謂之三國志壽卒後梁州大中正范頴表奏其事帝

詔河南尹洛陽令就壽家寫之自是世有著述皆擬班馬以爲正史作者尤廣一代之史至數十家唯史記漢書師法相傳並有解釋三國志及范曄後漢雖有音注既近世之作並讀之可知梁時明漢書有劉顯韋稜陳時有姚察隋代有包愷蕭該並爲名家史記傳者甚微今依其世代聚而編之以備正史

紀年十二卷汲冢書并竹書同異一卷漢紀三十卷魏秘書監荀悅撰後漢

紀三十卷袁彥伯撰後漢紀三十卷張璠撰獻帝春秋十卷袁曄撰

魏氏春秋二十卷孫盛撰魏紀十二卷左將軍陰澹撰漢魏春

秋九卷孔舒撰晉紀四卷陸機撰晉記二十三卷于寶撰晉

紀十卷晉前軍諮議曹嘉之撰漢晉陽秋四十七卷訖愨帝晉榮陽太守習鑿

晉紀十一卷訖明帝晉荊州別駕鄧粲撰晉陽秋三十二卷訖哀帝孫

晉紀二十三卷宋中散大夫劉謙之撰晉紀十卷宋吳典太守王韶之撰

晉紀四十五卷宋中散大夫徐廣撰續晉陽秋二十卷宋永嘉太守檀道鸞

續晉紀五卷宋新興太守郭李產撰宋略二十卷梁通直郎裴子野撰宋

春秋二十卷梁吳典令王琰撰齊春秋三十卷梁奉朝請吳均撰齊典

五卷王逸撰齊典十卷三十國春秋三十一卷梁湘東世子蕭萬等撰

戰國春秋二十卷李繁撰梁典三十卷劉璠撰梁典三十

卷陳始興王諮議何之元撰梁撮要三十卷陳征南諮議陰僧仁撰梁後略十

卷姚勗撰梁太清紀十卷梁長沙蕃王蕭韶撰淮海亂離志四卷蕭世

怡撰叙梁末
侯景之亂

齊紀三十卷

紀後齊事
崔子發撰

齊志十卷

後齊事
王劭撰

右三十四部六百六十六卷

自史官放絕作者相承皆以班馬為準起漢獻帝雅好典籍以班固漢書文繁難省命穎川荀悅作春秋左傳之體為漢紀三十篇言約而事詳辯論多美大行於世至晉太康元年汲郡人發魏襄王冢得古竹簡書字皆科斗發冢者不以為意往往散亂帝命中書監荀勗令和嶠撰次為十五部八十七卷多雜碎怪妄不可訓知唯周易紀年最為分了其周易上下篇與今正同紀年皆用夏正建寅之月為歲首起自夏殷周三代王事無

諸侯國別唯特記晉國起自殤叔次文侯昭侯以至曲沃莊伯盡晉國滅獨記魏事下至魏哀王謂之今王蓋魏國之史記也其著書皆編年相次文意大似春秋經諸所記事多與春秋左氏扶同學者因之以為春秋則古史記之正法有所著述多依春秋之體今依其世代編而敘之以見作者之別謂之古史

周書十卷

汲冢書似仲尼刪書之餘

古文瓌語四卷

汲冢書

春秋前傳

十卷

何承天撰

春秋前雜傳九卷

何承天撰

春秋後傳三十一卷

晉著作郎樂資撰

戰國策三十二卷

劉向錄

戰國策二十一卷

高誘

撰戰國策論一卷

漢京兆尹延篤撰

楚漢春秋九卷

陸賈撰

古今

注八卷伏無越絕記十六卷子貢撰吳越春秋十二卷趙

撰吳越春秋削繁五卷揚方撰吳越春秋十卷皇甫

記六卷○南越志八卷沈氏撰小史八卷○漢靈獻二帝

紀三卷漢侍中劉芳撰山陽公載記十卷樂資撰漢末英

雄記八卷王粲撰殘缺九州春秋十卷司馬彪撰魏武

本紀四卷梁并曆魏尚書八卷孔衍撰梁

卷晉襄陽令魏末傳二卷梁又有魏末傳并呂布本事

一卷毛范撰晉諸公讚二十一卷晉祕書監晉後略記五

卷晉下邳太守荀綽撰晉書鈔三十卷梁豫章內史張緬撰晉書鴻烈六卷

張氏撰宋中興伐逾事二卷○宋拾遺十卷梁少府卿左

史六卷李槃撰魏國統二十卷梁祚撰梁帝紀七卷○梁太

清錄八卷○梁承聖中興略十卷劉仲威撰梁末代紀一卷

○梁皇帝實錄三卷周典嗣撰梁皇帝實錄五卷梁中

謝吳撰記元帝事棲鳳春秋五卷臧嚴撰陳王業曆一卷陳中書

旦撰史要十卷漢桂陽太守衛颯撰約典略八十九卷魏

中魚撰史漢要集二卷晉祠部郎王茂撰抄三史略二十

九卷吳太子太傅張溫撰史記正傳九卷張瑩撰後漢略二十五卷

張緬撰漢皇德紀三十卷漢有道徵士侯謹撰洞紀四卷韋

撰記庖犧已來至續洞紀一卷臧榮緒撰帝王世紀十卷皇

謚撰起三帝王世紀音四卷虞綽撰帝王本紀十卷來奧

續帝王世紀十卷

何茂材撰

十五代略一卷

吉文甫撰起

帝

王要略十二卷

環濟撰紀帝王及天官地理喪服

周載八卷

東晉臨賀太守孟儀

撰略記前代下至秦本三十卷今亡

漢書鈔三十卷

晉散騎常侍葛洪撰

拾遺錄二

卷偽秦姚萇方士王子年撰

王子年拾遺記十卷

蕭綺撰

華夷帝王世

紀三十卷

楊曄撰

正史削繁九十四卷

阮孝緒撰

童悟十二卷

○帝王世錄一卷

甄鸞撰

先聖本紀十卷

劉縉撰

年曆帝紀

三十卷

姚恭撰

帝王諸侯世略十一卷

○王霸記三卷

潘傑撰

歷代記三十二卷

○隋書六十卷

未成祕書監王劭撰

右七十二部九百一十七卷

通計亡書七十三部九百三十九卷

自秦撥去古文篇籍遺散漢初得戰國策蓋戰國遊士

記其策謀其後陸賈作楚漢春秋以述誅鋤秦項之事又有越絕相承以為子貢所作後漢趙曄又為吳越春秋其屬辭比事皆不與春秋史記漢書相似蓋率爾而作非史策之正也靈獻之世天下大亂史官失其常守博達之士愍其廢絕各記聞見以備遺亡是後羣才景慕作者甚眾又自後漢已來學者多鈔撮舊史自為一書或起自人皇或斷之近代亦各其志而體制不經又有委巷之說迂怪妄誕真虛莫測然其大抵皆帝王之事通人君子必博采廣覽以酌其要故備而存之謂之雜史

趙書十卷一曰二石集記石勒事二石傳二卷晉北中

王度撰二石偽治時事二卷王度撰漢之書十卷常璩撰華陽

國志十二卷常璩撰梁有蜀平記十卷燕書二十卷慕容

容雋事偽燕南燕錄五卷記慕容德事偽燕南燕錄六

卷記慕容德事偽燕南燕書七卷遊覽先燕志十卷記

中書郎王景暉撰秦書八卷何仲熙撰秦記十一卷宋殿中將

撰梁雍州主簿席惠明注秦紀十卷記姚萇事魏左民涼記八卷張

軌事偽燕右僕射張諮撰涼書十卷記張軌事偽涼大將西河記

二卷記張重華事晉涼記十卷記呂光事偽涼著涼書

十卷高道讓撰涼書十卷沮渠托跋涼錄十卷敦煌實錄

十六國春秋一百卷魏崔纂錄十卷○戰

國春秋二十卷李繁撰漢趙記十卷和苞撰吐谷渾記二卷

宋新亭侯段國撰梁有翟遼書二卷諸國略天啓紀十

卷記二卷永嘉後纂年記二卷段業傳一卷亡

右二十七部三百三十五卷通計亡書合三十三

傳曰不有君子其能國乎自晉永嘉之亂皇綱失馭九

州君長據有中原者甚衆或推奉正朔或假名竊號然

其君臣忠義之節經國字民之務蓋亦勤矣而當時臣

子亦各記錄後魏克平諸國據有嵩華始命司徒崔浩

博采舊聞綴述國史諸國記注盡集祕閣亦朱之亂並

皆散亡今舉其見在謂之霸史

穆天子傳六卷

汲冢書郭璞注

漢獻帝起居注五卷○晉泰始

起居注二十卷

李軌撰

晉咸寧起居注十卷

李軌撰

晉泰康

起居注二十一卷

李軌撰

晉元康起居注一卷

梁有永平元康永寧

起居注六卷又有惠帝起居注二卷永嘉建興起居注十三卷亡

晉建武大興永昌起

居注九卷

梁有二卷

晉元康起居注一卷○晉咸和起居

注十六卷

李軌撰

晉咸康起居注二十二卷○晉建元起

居注四卷○晉永和起居注十七卷

梁有二卷十四卷

晉升平起

居注十卷○晉隆和興寧起居注五卷○晉咸安起居

注三卷○晉泰和起居注六卷

梁十卷

晉寧康起居注六

卷○晉泰元起居注二十五卷

梁五十卷

晉隆安起居注

十卷○晉元興起居注九卷○晉義熙起居注十七卷

梁三十卷

晉元熙起居注二卷○晉起居注三百一十七

卷

宋北徐州主簿劉道會撰梁有三百二十二卷

流別起居注三十七卷

梁有晉宋

起居注鈔五十一卷晉宋先朝起居注二十卷亡

宋永初起居注十卷○宋景

平起居注三卷○宋元嘉起居注五十五卷

梁六十卷

宋孝

建起居注十二卷○宋大明起居注十五卷

梁三十四卷又有景

和起居注四卷明帝在蕃注三卷亡

宋泰

豫起居注四卷

梁有宋成徽起居注二十卷昇明起居注六卷亡

齊永明起居

注二十五卷

梁有三十四卷又有建元起居注十二卷隆昌延興建武起居注四卷中興起居注

四卷 梁大同起居注十卷 ○後魏起居注三百三十六
卷 ○陳永定起居注八卷 ○陳天嘉起居注二十三卷
○陳天康光大起居注十卷 ○陳太建起居注五十六
卷 ○陳至德起居注四卷 ○後周太祖號令三卷 ○隋
開皇起居注六十卷 ○南燕起居注一卷

右四十四部一千一百八十九卷

起居注者錄紀人君言行動止之事春秋傳曰君舉必
書書而不法後嗣何觀周官內史掌王之命遂書其副
而藏之是其職也漢武帝有禁中起居注後漢明德馬
后撰明帝起居注然則漢時起居似在宮中爲女史之

職然皆零落不可復知今之存者有漢獻帝及晉代已
來起居注皆近侍之臣所錄晉時又得汲冢書有穆天
子傳體制與今起居正同蓋周時內史所記王命之副
也近代已來別有其職事在百官志今依其先後編而
次之其僞國起居唯南燕一卷不可別出附之於此
漢武帝故事二卷 ○西京雜記二卷 ○漢魏吳蜀舊事
八卷 ○晉朝雜事二卷 ○晉宋舊事一百三十五卷 ○
晉要事三卷 ○晉故事四十三卷 ○晉建武故事一卷
○晉咸和咸康故事四卷 晉孔愉撰 晉修復山陵故事五卷
車灌撰 交州雜事九卷 記士燮及陶黃事 晉八王故事十卷 ○晉

四王起事四卷

晉廷尉盧琳撰

大司馬陶公故事三卷○郗大

尉為尚書令故事三卷○栢玄偽事三卷○晉東宮舊

事十卷○秦漢已來舊事十卷○尚書大事二十卷范

撰沔南故事三卷應思遠撰天正舊事三卷釋撰皇儲故事

二卷○梁舊事三十卷內史侍郎蕭大環撰東宮典記七十卷左庶

子宇文愷撰開業平陳記二十卷

右二十五部四百四卷

古者朝廷之政發號施令百司奉之藏于官府各脩其職守而弗忘春秋傳曰吾視諸故府則其事也周官御史掌治朝之法太史掌萬民之約契與質劑以逆邦國

之治然則百司庶府各藏其事太史之職又總而掌之

漢時蕭何定律令張蒼制章程叔孫通定儀法條流派

別制度漸廣晉初甲令已下至九百餘卷晉武帝命車

騎將軍賈充博引羣儒刪采其要增律十篇其餘不足

經遠者為法令施行制度者為令品式章程者為故事

各還其官府搢紳之士撰而錄之遂成篇卷然亦隨代

遺失今據其見存謂之舊事篇

漢官解詁三篇漢新汲令王隆撰漢官五卷應劭注漢官儀十

卷應劭撰漢官典職儀式選用二卷漢衛尉蔡質撰梁有

昭官儀職訓一卷亡晉公卿禮秩故事九卷傅暢撰晉新定儀注十

四卷

梁有徐宣瑜晉官品 卷荀綽百官表注十六卷 于寶司徒儀一卷宋職官記九卷晉百官儀服錄

五卷

大興二年定官品 百官階次一卷 齊職儀五十

卷

齊長水校尉王珪之撰梁有 齊職儀五卷 梁選簿

三卷

徐勉撰 梁勳選格一卷 職官要錄三十卷 陶藻撰 梁

官品格

一卷 百官階次三卷 新定將軍名一卷 吏部用人格一卷

吏部用人格

一卷 官族傳十四卷 何晏撰 百官春秋五

十卷

王秀道撰 百官春秋二十卷 魏晉百官名五卷 晉

百官名

三十卷 晉官屬名四卷 陳百官簿狀二卷

陳將軍簿

一卷 新定官品二十卷 梁沈約撰 梁尚書職

制儀注

四十一卷 職令古今百官注十卷 郭演撰

右二十七部三百三十六卷

通計亡書合三十三卷 部四百三十三卷

古之仕者名書於所臣之策各有分職以相統治周官冢宰掌建邦之六典而御史數凡從正者然則冢宰總六卿之屬以治其政御史掌其在位名數先後之次焉今漢書百官表列衆職之事記在位之次蓋亦古之制也漢末王隆應劭等以百官表不具乃作漢官解詁漢官儀等書是後相因正史表志無復百僚在官之名矣搢紳之徒或取官曹名品之書撰而錄之別行於世宋齊已後其書益繁而篇卷零疊易為亡散又多瑣細不足可紀故刪其見存可觀者編為職官篇

漢舊儀四卷

衛敬仲撰梁有衛敬仲漢中興儀一卷亡

晉新定儀注四十卷

晉安成太守傅瑗撰

晉雜儀注十一卷○晉尚書儀十卷○甲辰

儀五卷

江左撰

封禪儀六卷○宋儀注十卷○宋儀注二

十卷○宋尚書雜注十八卷

本二卷

宋東宮儀記二十三

卷

宋新安太守張鏡撰

徐爰家儀一卷○東宮新記二十卷

蕭子雲撰

梁吉禮儀注十卷

明山賓撰

梁賓禮儀注九卷

賀瑒撰案梁明山賓撰吉

儀注二百六卷錄六卷嚴植之撰凶儀注四百七十九卷錄四十五卷陸璣撰軍儀注一百九十卷錄二卷司

馬聚撰嘉儀注一百一十二卷錄三卷並亡存者唯士吉及賓合十九卷

皇典二十卷

梁豫章太守丘仲孚撰

雜凶禮四十二卷○政禮十卷

何胤撰梁有何胤士喪儀注九

卷亡雜儀注一百八十卷○陳尚書雜儀注五百五十卷

○陳吉禮一百七十一卷○陳賓禮六十五卷○陳軍

禮六卷○陳嘉禮一百二卷○後魏儀注五十卷○後

齊儀注二百九十卷○雜嘉禮三十八卷○國親皇太

子序親簿一卷○隋朝儀禮一百卷

牛弘撰

大漢輿服志

一卷

魏博士董巴撰

魏晉謚議十三卷

何晏撰

汝南君諱議二卷

○決疑要注一卷

摯虞撰

車服雜注一卷

徐廣撰

禮儀制度

十三卷

王遂撰

古今輿服雜事二十卷

梁周遷撰

晉鹵簿圖一

卷○鹵簿儀二卷○陳鹵簿圖一卷○齊鹵簿儀一卷

○諸衛左右廂旗圖樣十五卷○內外書儀四卷

謝元撰

書儀二卷

蔡超撰

書筆儀二十一卷

謝朓撰

宋長沙檀太妃

薨弔答書十二卷 ○ 弔答儀十卷 王儉撰 書儀十卷 王弘撰

皇室儀十三卷 鮑行卿撰 吉書儀二卷 王儉撰 書儀疏一卷 周捨撰

新儀三十卷 鮑泉撰 文儀二卷 梁脩端撰 趙李家儀十卷 錄

卷李穆叔撰 書儀十卷 唐瑾撰 言語儀一卷 ○ 嚴植之儀二卷

○ 邇儀四卷 馬樞撰 婦人書儀八卷 ○ 僧家書儀五卷 釋曇瑗撰

要典雜事五十卷

右五十九部二千二十九卷 通計亡書合六十九部三千九十四卷

儀注之興其所由來久矣自君臣父子六親九族各有上下親疏之別養生送死弔恤賀慶則有進止威儀之數唐虞已上分之為三在周因而為五周官宗伯所掌

吉凶賓軍嘉以佐王安邦國親萬民而大史執書以協事之類是也是時典章皆具可履而行周衰諸侯削除其籍至秦又焚而去之漢興叔孫通定朝儀武帝時始祀汾陰后土成帝時初定南北之郊節文漸具後漢又使曹褒定漢儀是後相承世有制作然猶以舊章殘缺各遵所見彼此紛爭盈篇滿牘而後世多故事在通變或一時之制非長久之道載筆之士刪其大綱編于史志而或傷於淺近或失於未達不能盡其旨要遺文餘事亦多散亡今聚其見存以為儀注篇 ○ 漢晉律序注一卷 晉僮長張斐撰 雜律解律本二十一卷 杜預撰

二十一卷

張斐撰案梁有杜預雜律七卷亡

晉宋齊梁律二十卷

蔡法度撰

梁律二十卷

梁義興太守蔡法度撰

後魏律二十卷○北齊律十

二卷

目一卷

陳律九卷

范泉撰

周律二十五卷○周大統式

三卷

○隋律十二卷

○隋大業律十一卷○晉令四十

卷○梁令三十卷

錄一卷

○梁科三十卷○北齊令五十

卷○北齊權令二卷

范泉撰

○陳令三十卷

范泉撰

隋開皇令三十卷

目一卷

隋大業令三十卷○漢朝

議駁三十卷

應劭撰案梁建武律令故事二卷應劭律略論五卷亡

晉雜議十卷

○晉彈事十卷○南臺奏事二十二卷○漢名臣奏事

三十卷○魏主奏事十卷○魏名臣奏事四十卷

目一卷陳

壽撰

魏臺雜訪議三卷

高堂隆撰

魏廷尉決事十卷○晉駁事

四卷○晉雜制六十卷○晉刺史六條制一卷○齊五

服制一卷○陳新制六十卷

右三十五部七百一十二卷

通計亡書合三十八部七百二十六卷

刑法者先王所以懲罪惡齊不軌者也書述唐虞之世五刑有服而夏后氏正刑有五科條三千周官司寇掌三典以刑邦國司刑掌五刑之法麗萬民之罪太史天以典法逾于邦國內史執國法以考政事春秋傳曰在九刑不忘然則刑書之作久矣蓋藏于官府懼人之知爭端而輕於犯及其末也肆情越法刑罰僭濫至秦重

之以苛虐先王之正刑滅矣漢初蕭何定律九章其後
漸更增益令甲巳下盈溢架藏晉初賈充杜預剛而定
之有律有令有故事梁時又取故事之宜於時者為梁
科後齊武帝時又於麟趾殿刪正刑典謂之麟趾格後
周太祖又命蘇綽撰大統式隋則律令格式並行自律
已下世有改作事在刑法志漢律久亡故事駁議又多
零失今錄其見存可觀者編為刑法篇

三輔決錄七卷漢太僕趙岐撰擊虞注海內先賢傳四卷魏明帝時撰

四海耆舊傳一卷○海內士品一卷○先賢集三卷○

兖州先賢傳一卷○徐州先賢傳一卷○徐州先賢傳

贊九卷劉義慶撰海岱志二十卷齊前將軍記室崔蔚祖撰交州先賢傳

三卷晉范瑗撰益部耆舊傳十四卷陳長壽撰續益部耆舊傳二

卷○諸國清賢傳一卷○魯國先賢傳二卷晉大司農白襄撰

楚國先賢傳贊十二卷晉張方撰汝南先賢傳五卷魏周斐撰陳

留耆舊傳二卷漢議郎陳留耆舊傳一卷魏散騎侍郎蘇林撰陳

留先賢像贊一卷陳英宗撰陳留志十五卷東晉刻令江敞撰濟北

先賢傳一卷○廬江七賢傳二卷○東萊耆舊傳一卷

王基撰襄陽耆舊記五卷習鑿齒撰會稽先賢傳七卷謝承撰會

稽後賢傳記二卷鍾離岫撰會稽典錄二十四卷虞豫撰會稽

先賢像贊五卷○漢世要記一卷○吳先賢傳四卷吳左

丞相陸東陽朝堂像讚一卷晉南平太守留叔先撰 豫章烈士傳

三傳徐整撰 豫章舊志三卷晉會稽太守熊默撰 豫章舊志後撰一

卷熊欣撰 零陵先賢傳一卷 ○長沙舊傳讚三卷晉臨川王郎中

劉或撰 桂陽先賢書贊一卷吳左中郎張勝撰 武昌先賢志二卷

宋天門太守郭緣生撰 蜀文翁學堂像題記二卷 ○聖賢高士傳

贊三卷嵇康撰周續之注 高士傳六卷皇甫謐撰 逸士傳一卷皇甫謐撰

逸民傳七卷張顯撰 高士傳二卷虞樂佐撰 至人高士傳讚二

卷晉廷尉卿孫綽撰 ○高隱傳十卷阮孝緒撰 高隱傳十卷 ○高僧

傳六卷虞孝敬撰 止足傳十卷 ○續高士傳七卷周弘讓撰 孝子

傳讚三卷王昭之撰 孝子傳十五卷晉輔國將軍蕭廣濟撰 孝子傳十

卷宋員外郎鄭緝之撰 孝子傳八卷師覺授撰 孝子傳二十卷宋躬孝

子傳略二卷 ○孝德傳三十卷梁元帝撰 孝友傳八卷 ○曾

參傳一卷 ○忠臣傳三十卷梁元帝撰 顯忠錄二十卷梁元帝撰

丹楊尹傳十卷梁元帝撰 英蕃可錄二卷張萬賢撰邵武侯新注 高才

不遇傳四卷後齊劉晝撰 良吏傳十卷鍾岢撰 海內名士傳一

卷 ○正始名士傳三卷袁敬仲撰 江左名士傳一卷劉義慶撰 竹

林七賢論二卷晉太子中庶子戴逵撰 七賢傳五卷孟氏撰 文士傳

五十卷張隱撰 烈士傳二卷劉向撰 陰德傳二卷宋光祿大夫范晏撰

悼善傳十一卷 ○雜傳三十六卷任昉撰本一百四十七卷亡 東方

朔傳八卷 ○母丘儉記三卷 ○管輅傳三卷管辰撰 雜傳

四十卷賀蹤撰本雜傳十九卷陸澄撰雜傳十一卷○玄

晏春秋三卷皇甫謐撰孔子弟子先儒傳十卷○李氏家傳

一卷○桓任家傳一卷○王朗王肅家傳一卷○太原

王氏家傳二十三卷○褚氏家傳一卷褚覲撰薛常侍家

傳一卷○江氏家傳七卷江祚撰庾氏家傳一卷庾斐撰裴

氏家傳四卷裴松之撰虞氏家記五卷虞覽撰曹氏家傳一卷

曹毗撰范氏家傳一卷范注撰紀氏家紀一卷紀友撰韋氏家

傳一卷○何顒使君家傳一卷○明氏家訓一卷偽燕衛尉

明岌撰明氏世錄六卷梁信武記室明粲撰陸史十五卷○王氏江

左世家傳二十卷王褒撰孔氏家傳五卷○崔氏五門家

傳二卷崔氏撰暨氏家傳一卷○周齊王家傳一卷姚氏撰

介朱家傳二卷王氏撰周氏家傳一卷○令狐氏家傳一

卷○新舊傳四卷○漢南家傳三卷○何氏家傳三卷

○童子傳二卷王瑱撰幼童傳十卷劉昭撰訪來傳十卷來

撰懷舊志九卷梁元帝撰知己傳一卷盧思道撰全德志一卷梁

帝撰同姓名錄一卷梁元帝撰列女傳十五卷劉向撰曹列女

傳七卷趙母注列女傳八卷高氏撰列女傳頌一卷劉歆撰列

女傳頌一卷曹植撰列女傳讚一卷繆襲撰列女後傳十卷

項原撰列女傳六卷皇甫謐撰列女傳七卷綦母邃撰列女傳要錄

三卷○女記十卷杜預撰美婦人傳六卷○妬記二卷虞通

之道人善道開傳一卷康泓撰名僧傳三十卷釋寶唱撰高僧

傳十四卷釋僧祐撰江東名德傳三卷釋法進撰法師傳十卷王

撰衆僧傳二十卷裴子野撰薩婆多部傳五卷釋僧祐撰梁故草

堂法師傳一卷○尼傳二卷師撰法顯傳二卷○法顯

行傳一卷○梁武皇帝大捨三卷嚴嵩撰列仙傳讚三卷

劉向撰續孫綽讚列仙傳讚二卷劉向撰神仙傳十卷葛洪撰

說仙傳一卷朱思祖撰養性傳二卷○漢武內傳三卷○太

元真人東鄉司命茅君內傳一卷弟子李遵撰清虛真人王

君內傳一卷弟子華存撰清虛真人裴君內傳一卷○正一

真人三天法師張君內傳一卷○太極左仙公葛君內

傳一卷○仙人馬君陰君內傳一卷○仙人許遠遊傳

一卷○靈人辛亥子自序一卷○劉君內記一卷王珍撰

陸先生傳一卷孔稚珪撰列仙讚序一卷郭元祖撰集仙傳十卷

○洞仙傳十卷○王喬傳一卷○關令內傳一卷鬼谷先生撰

撰南嶽夫人內傳一卷○蘇君記一卷周季通撰嵩高寇天

師傳一卷○華陽子自序一卷○太上真人內記一卷

撰李氏道學傳二十卷○宣驗記十三卷劉義慶撰應驗記一

卷宋光祿大夫傅亮撰冥祥記十卷王琰撰列異傳三卷魏文帝撰感應

傳八卷王延秀撰古異傳三卷宋永嘉太守袁王壽撰甄異傳三卷晉

戴祚撰述異記十卷祖冲之撰異苑十卷宋給事劉敬叔撰續異苑



十卷○搜神記三十卷千寶撰搜神後記十卷陶潛撰靈鬼

志三卷荀氏撰志怪二卷祖台撰志怪四卷孔氏撰神錄五卷

劉之遴撰齊諧記七卷宋散騎侍郎疑撰續齊諧記一卷吳均撰幽

明錄二十卷劉義慶撰補續冥祥記一卷王曼穎撰漢武洞冥記

一卷郭氏撰嘉瑞記三卷陸瓊撰祥瑞記三卷○符瑞記十

卷許善心撰靈異錄十卷○靈異記十卷○研神記十卷蕭繹撰

撰旌異記十五卷侯君素撰近異錄二卷劉質撰鬼神列傳一

卷謝氏撰志怪記三卷殖氏撰舍利感應記三卷王劭撰真應

記十卷○周氏冥通記一卷○集靈記二十卷顏之推撰寃

魂志三卷顏之推撰

右二百一十七部一千二百八十六卷通計亡書合二百一十九部一千五百三卷

古之史官必廣其所記非獨人君之舉周官外史掌四方之志則諸侯史記兼而有之春秋傳曰號仲號叔王季之穆勳在王室藏於盟府臧紇之叛季孫命太史召掌惡臣而盟之周官司寇凡大盟約泣其盟書登于天府太史內史司會六官皆受其貳而藏之是則王者誅賞具錄其事昭告神明百官史臣皆藏其書故自公卿諸侯至于羣士善惡之迹畢集史職而又閭胥之政凡聚衆庶書其敬敏任卹者族師每月書其孝悌睦嫻有

學者黨正歲書其德行道藝者而入之於鄉大夫鄉大夫三年大比考其德行道藝舉其賢者能者而獻其書王再拜受之登于天府內史貳之是以窮居側陋之士言行必達皆有史傳自史官曠絕其道廢壞漢初始有丹書之約白馬之盟武帝從董仲舒之言始舉賢良文學天下計書先上太史善惡之事靡不畢集司馬遷班固撰而成之股肱輔弼之臣扶義倣儻之士皆有記錄而操行高潔不涉於世者史記獨傳夷齊漢書但述楊王孫之儔其餘皆略而不記又漢時阮倉作列仙圖劉向典校經籍始作列仙列女之傳皆因其志尚率

爾而作不在正史後漢光武始詔南陽撰作風俗故布三輔有著舊節士之序魯廬江有名德先賢之讚郡國之書由是而作魏文帝又作列異以序鬼物奇怪之事嵇康作高士傳以敘聖賢之風因其事類相繼而作者甚衆名目轉廣而又雜以虛誕怪妄之說推其本源蓋亦史官之末事也載筆之士刪採其要焉魯沛三輔序贊並亡後之作者亦多零失今取其見存部而類之謂之雜傳

山海經二十三卷

郭璞注

水經三卷

郭璞注

黃圖一卷

記三輔宮

觀陵廟明堂辟雍郊時等事

洛陽記四卷

○洛陽記一卷

陸機撰

洛陽

宮殿簿一卷○洛陽圖一卷晉懷州刺史楊佺期撰述征記二卷

郭緣生撰西征記二卷戴延之撰婁地記一卷吳顧啓撰風土記三

卷晉平西將軍周處撰吳興記三卷山謙之撰吳郡記一卷顧夷撰京口

記二卷宋太常卿劉損撰南徐州記二卷山謙之撰會稽土地記一

卷朱育撰會稽記一卷賀循撰隋王入汜記六卷宋侍中沈懷文撰

荆州記三卷宋臨川王侍郎盛弘之撰神壤記一卷記榮陽山水黃閔撰豫章

記一卷雷次宗撰蜀王本記一卷楊雄撰三巴記一卷譙周撰珠

崖傳一卷偽燕聘晉使蓋泓撰陳留風俗傳三卷園稱撰鄴中記二

卷晉國子助教陸翽撰春秋土地名三卷晉裴秀京相璠撰衡山記一卷

宋居士撰遊名山志一卷謝靈運撰聖賢冢墓記一卷李彤撰佛國

記一卷沙門釋法顯撰遊行外國傳一卷沙門釋智猛撰交州以南外

國傳一卷○十洲記一卷東方朔撰神異經一卷東方朔撰

異物志一卷後漢議郎楊孚撰南州異物志一卷吳丹揚太守萬震撰蜀

志一卷東京武平太守常寬撰發蒙記一卷東晉撰載物產之異地理書一

百四十九卷錄一卷陸澄合山海經已來一百六十家以爲此書澄本之外其舊事並多零失見

存別部目行者唯四十二家今列之於上三輔故事二卷晉世撰湘州記二卷

庾仲雍撰吳郡記二卷晉本州主簿顧夷撰日南傳一卷○江記五卷

庾仲雍撰漢水記五卷庾仲雍撰居名山志一卷謝靈運撰西征記一

卷戴祚撰廬山南陵雲精舍記一卷○永初山川古今記

二十卷齊都官尚書劉澄之撰元康三年地記六卷○司州記二

卷○并帖省置諸郡舊事一卷○地記二百五十二卷

梁任昉增陸澄之書入十四家以爲此記其所增舊山書亦多零失見存別部行者唯十二家今列之於上

海經圖讚二卷郭璞注山海經音二卷○水經四十卷酈善

長廟記一卷○地理書抄二十卷陸澄撰地理書抄九卷

任昉撰地理書抄十卷劉黃門撰洛陽伽藍記五卷後魏楊街之撰荆

南地志二卷蕭世誠撰巴蜀記一卷○交州異物志一卷楊孚撰

元康六年戶口簿記三卷○元嘉六年地記三卷○

九州郡縣名九卷○扶南異物志一卷朱應撰臨海水土

物志一卷沈瑩撰益州記三卷李氏撰湘州記一卷郭仲湘撰

州圖副記一卷○四海百川水源記一卷釋道安撰京師寺

塔記十卷錄一卷華山精舍記一卷張光祿撰南雍州記六

卷鮑至撰京師寺塔記二卷釋曇景撰張騫出關志一卷○外

國傳五卷釋曇景撰歷國傳二卷釋法盛撰西京記三卷○京師

錄七卷○尋江源記一卷○後園記一卷○江表行記

一卷○淮南記一卷○古來國名二卷○十三州志十

卷闕駟撰慧生行傳一卷○宋武北征記一卷戴氏撰林邑

國記一卷○涼州異物志一卷○閔象傳二卷閔先撰司

州山川古今記三卷劉澄之撰江圖一卷張氏撰江圖二卷劉氏撰

廣梁南徐州記九卷虞孝敬撰水飾圖二十卷○甌閩傳

一卷○北荒風俗記二卷○諸蕃風俗記二卷○男女

二國傳一卷○突厥所出風俗事一卷○古今地譜二

卷○輿地志三十卷陳顧野王撰序行記十卷姚最撰魏永安

記三卷溫子昇撰國都城記二卷○周地圖記一百九卷○

冀州圖經一卷○齊州圖經一卷○齊州記四卷李叔布撰

幽州圖經一卷○魏聘使行記六卷○聘北道里記三

卷江德藻撰李諧行記一卷○聘遊記三卷劉師知撰朝覲記六

卷○封君義行記一卷李繪撰輿駕東行記一卷薛恭撰北

伐記七卷諸葛穎撰巡撫揚州記七卷諸葛穎撰○大魏諸州記

二十一卷○并州入朝道里記一卷蔡允恭撰趙記十卷○

代都略記三卷○世界記五卷釋僧祐撰州郡縣簿七卷○

大隋翻經婆羅門法師外國傳五卷○隋區宇圖志一

百二十九卷○隋西域圖三卷裴矩撰隋諸州圖經集一

百卷郎蔚之撰隋諸郡土俗物產一百五十一卷○西域道

里記一卷○諸蕃國記十七卷○方物志二十卷許善心撰

并州總管內諸州圖一卷

右一百三十九部一千四百三十二卷通計亡書合一百四

十部一千四百三十四卷

昔者先王之化民也以五方土地風氣所生剛柔輕重
飲食衣服各有其性不可遷變是故疆理天下物其土
宜知其利害達其志而通其欲齊其政而脩其教故曰

廣谷大川異制人居其間異俗書錄禹別九州定其山川分其圻界條其物產辨其貢賦斯之謂也周則夏官司險掌建九州之圖周知山林川澤之阻達其道路地官誦訓掌方志以詔觀事以知地俗春官保章以星土辨九州之地所封之域以觀秋祥秋官職方掌天下之圖地辨四夷八蠻九貉五戎六狄之人與其財用九穀六畜之數周知利害辨九州之國使同其貫司徒掌邦之土地之圖與其人民之教以佐王擾邦國周知九州之域廣輪之數辨其山林川澤丘陵墳衍原隰之名物及土會之法然則其事分在衆職而冢宰掌建邦之六

典實總其事太史以典逾冢宰之治其書蓋亦總爲史官之職漢初蕭何得秦圖書故知天下要害後又得山海經相傳以爲夏禹所記武帝時計書旣上太史郡國地志固亦在焉而史遷所記但述河渠而已其後劉向略言地域丞相張禹使屬朱貢條記風俗班固因之作地理志其州國郡縣山川夷險時俗之異經星之分風氣所生區域之廣戶口之數各有攸敘與古禹貢周官所記相埒是後載筆之士管窺末學不能及遠但記州郡之名而已晉世摯虞依禹貢周官作畿服經其州郡及縣分野封略事業國邑山陵水泉鄉亭城道里土田

民物風俗先賢舊好靡不具悉凡一百七十卷今亡而學者因其經歷並有記載然不能成一家之體齊時陸澄聚一百六十家之說依其前後遠近編而為部謂之地理書任昉又增陸澄之書八十四家謂之地記陳時顧野王抄撰眾家之言作輿地志隋大業中普詔天下諸郡條其風俗物產地圖上于尚書故隋代有諸郡物產土俗記一百三十一卷區宇圖志一百二十九卷諸州圖經集一百卷其餘記注甚眾今任陸二家所記之內而又別行者各錄在其書之上自餘次之於下以備地理之記焉

世本王侯大夫譜二卷○世本二卷

劉向撰世本四卷

撰漢氏帝王譜三卷

梁有宋譜四卷劉湛百家譜二卷亡

齊帝譜屬十卷

○百家集譜十卷

王儉撰梁有王浚之續儉百家譜四卷南族譜二卷百家譜拾遺一卷又

有齊梁帝譜四卷梁帝譜十三卷亡

百家譜三十卷

王僧孺撰百家譜集鈔十

五卷

王僧孺撰

百家譜二十卷

賈執撰

百家譜十五卷

浦昭撰百

家譜世統十卷○百家譜鈔五卷○姓氏英賢譜一百

卷

賈執撰案梁有王司空新集諸州譜十一卷又別有諸姓譜一百一十六卷益州譜四十卷關東關比譜

三十三卷梁武帝總貢境內十八州譜六百九十卷亡

後魏辯宗錄二卷

元暉業撰後

魏皇帝宗族譜四卷○魏孝文列姓族牒一卷○後齊

宗譜一卷○益州譜三十卷○冀州姓族譜二卷○洪

州諸姓譜九卷○吉州諸姓譜八卷○江州諸姓譜十
一卷○諸州雜譜八卷○袁州諸姓譜八卷○楊州譜
鈔五卷○京兆韋氏譜二卷○謝氏譜一十卷○楊氏
血脉譜二卷○楊氏家譜狀并墓記一卷○楊氏枝分
譜一卷○楊氏譜一卷○北地傳氏譜一卷○蘇氏譜
一卷○述系傳一卷姚最撰氏族要狀十五卷○姓苑一
卷何氏撰復姓苑一卷○齊永元中表簿五卷○竹譜一
卷○錢譜一卷頤烜撰錢圖一卷
右四十一部三百六十卷通計亡書合五十三
部一千二百八十卷
氏姓之書其所由來遠矣書稱別生分類傳曰天子建

德因生以賜姓周家小史定繫世辨昭穆則亦史之職
也秦兼天下剗除舊迹公侯子孫失其本繫漢初得世
本敘黃帝已來祖世所出而漢又有帝王年譜後漢有
鄧氏官譜晉世摯虞作族姓昭穆記十卷齊梁之間其
書轉廣後魏遷洛有八氏十姓咸出帝族又有三十六
族則諸國之從魏者九十二姓世爲部落大人者並爲
河南洛陽人其中國士人則第其門閥有四海大姓郡
姓州姓縣姓及周太祖入關諸姓子孫有功者並令爲
其宗長仍撰譜錄紀其所承又以關內諸州爲其本望
其鄧氏官譜及族姓昭穆記晉亂已亡自餘亦多遺失

今錄其見存者以為譜系篇

七略別錄二十卷

劉向撰

七略七卷

劉歆撰

晉中經十四卷

荀勗撰

晉義熙已來新集目錄三卷

○宋元徽元年四部

書目錄四卷

王儉撰

今書七志七十卷

王儉撰

梁天監六年

四部書目錄四卷

殷鈞撰

梁東宮四部目錄四卷

劉遵撰

梁

文德殿四部目錄四卷

劉孝標撰

七錄十二卷

阮孝緒撰

魏闕書

目錄一卷○陳祕閣圖書法書目錄一卷○陳天嘉六

年壽安殿四部目錄四卷○陳德教殿四部目錄四卷

○陳承香殿五經史記目錄二卷○開皇四年四部目

錄四卷○開皇八年四部書目錄四卷○香厨四部目

錄四卷○隋大業正御書目錄九卷○法書目錄六卷

○雜儀注目錄四卷○雜撰文章家集敘十卷

荀勗撰

文

章志四卷

摯虞撰

續文章志二卷

傅亮撰

晉江左文章志三

卷

宋明帝撰

宋世文章志二卷

沈約撰

書品二卷○名手畫錄

一卷○正流論一卷

右三十部二百一十四卷

古者史官既司典籍蓋有目錄以為綱紀體制堙滅不可復知孔子刪書別為之序各陳作者所由韓毛二詩亦皆相類漢時劉向別錄劉歆七略剖析條流各有其部推尋事迹疑則古之制也自是之後不能辨其流別

但記書名而已博覽之士疾其渾漫故王儉作七志阮
孝緒作七錄並皆別行大體雖準向歆而遠不逮矣其
先代目錄亦多散亡今總其見存編爲簿錄篇

凡史之所記八百一十七部一萬三千二百六十四卷

通計亡書合八百七十四部
一萬六千五百五十八卷

夫史官者必求博聞強識疏通知遠之士使居其位百
官衆職咸所貳焉是故前言往行無不識也天文地理
無不察也人事之紀無不達也內掌八柄以詔王治外
執六典以逆官政書美以彰善記惡以垂戒範圍神化
昭明令德窮聖人之至蹟詳一代之疊疊自史官廢絕

大矣漢氏頗循其舊班馬因之魏晉已來其道逾替南
董之位以祿貴遊正駿之司罕因才授故梁世諺曰上
車不落則著作體中何如則祕書於是尸素之儔盱衡
延閣之上立言之士揮翰蓬茨之下一代之記至數十
家傳說不同聞見舛駁理失中庸辭乖體要致令允恭
之德有關於典墳忠肅之才不傳於簡策斯所以爲蔽
也班固以史記附春秋今開其事類凡三十種別爲史
部

